

Мурман а Мзия Ратиани
Исмаїал Акаев



КАВКАЗАН БАХЪБАШ

III том. Обарган новкъахъ

**Мурман Ратиани
Исмаїал Акаев
Мзия Ратиани**

Кавказан баххъаш.

III том. Обарган новкъахъ

*http://www.litres.ru/pages/biblio_book/?art=69871372
ISBN 9785006072909*

Аннотация

Йешархойн тидаме йалийна «Кавказан баххъаш» романан III-га том. Кху романехъ дуьйцу XIX бешеран чаккхенехъ а, XX бешеран йуьххъехъ а хиллачу бакъ болчу исторически хиламех лаьцна. Романан коьрта турпалхой бу цу хиламашкахъ дакъа лаьцна болу нах. Кху книган коьрта чулацам бу Кавказан обаргаша Паччахъан Йедалан къизаллина дуьхьал латтийна болу къиссам, церан доьналла, йаьхъ, майралла. Цу турпалхошна хийра бацара муьлххачу а адаман кийрахъ кхоллало синхааамаш – безам, доттагІалла, сатийсам.

Содержание

Ратиани Мурман	7
Автор	10
Автор	12
«БЮов»	14
Пролог	17
Обарган новкъахъ	17
Обарган новкъахъ	30
Безаман кхоллам	35
I	35
II	44
III	53
Борзак бекхаман новкъахъ	59
I	59
II	69
III	77
Хапагож	82
I	82
II	89
Конец ознакомительного фрагмента.	98

Кавказан бахъаш

III том. Обарган новкъахъ

Мурман Ратиани
Мзия Ратиани
Исмаѿал Акаев

*Жайна лерина ду Кавказан къабъмнийн
Ассамблеян Президентана Кутаев Русланна*

Переводчик Янина Дикаева
Редактор Исмаѿал Акаев
Иллюстратор Изнаур Акаев
Дизайнер обложки Изнаур Акаев

© Мурман Ратиани, 2024
© Мзия Ратиани, 2024
© Исмаѿал Акаев, 2024
© Изнаур Акаев, иллюстрации, 2024

ISBN 978-5-0060-7290-9 (т. 3)
ISBN 978-5-0060-7298-5



III-гIа том Кавказан баххъаш



Ратиани Мурман – кху жайни бух биллинчу архивни кехатийн а, талламийн а автор

Ратиани Мурман

Хара жайна йаздина Ратиани Мурмана гулдинчу кехатех пайда оьцуш. Цо доккха дакъа диллина Кавказан обаргех лаьцна хаамаш баржорехъ а, Галашбарехъ а. Къилбаседа Кавказехъ ша даьккхинчу шерашкахъ Ратиани Мурмана Кавказан обаргех лаьцна мах боцу хазна гулйна. Цуьнан тоьшалла ду кху жайнехъ Кавказан бакъ болчу турпалхойн дахарера кийсагаш. Йешархоша сатийсина йолу «Кавказан бахъаш» романап III-гIа том кхоьллина Ратиани Мурмана вовша тоьхначу архивни гIирсан буха тIехъ. Ратиани Мурман вина 1929-чу шеран бекарг беттан 21-чохъ, Гуьржийн мехкан Абаша олучу жимачу гIалахъ. Ишкол йаьккхинчул тIаьхьа иза Гуьржийн махкара политехнически институтан гIишлошйаран факультете деша хIоьттира. Дешар чекх даьккхинчул тIаьхьа, 1947-1950-чу шерашкахъ цо Баку гIалахъ эскарехъ тIеман декхара дIакхехьнера. Цул тIаьхьа иза Батуми гIалара МКС-е дIахьажийнера. Цигахъ цо тайп-тайпанчу даржашкахъ болх а бинера. 1962-чу шарахъ Ратиани Мурман ГIебартойн Балкхаре а, Къилбаседа ХIирийн Республিকে а кхаьчнера шен белхан гIуллакхашкахула. Цигахъ цунна бевзира Къилбаседа Кавказан шортта цIе йаххана бевзаш болу йаздархой а, кхоллараллин интеллигенцин векалш а. ХIетахъ дуьйна цо шен дерриге а дахар паччахьан Россин къизаллина дуьхьал къиссам лагтош хиллачу Кавказан турпал-

хойн кхолламаш талларна а, царех лаьцна хаамаш гулбарна а лерира. Хала хеташ делахь а, Мурманан дахаран некъ чекхбаьлла, амма цуьнан рицкъаца нийсса, Мурманан кхоллараллин некъ ца хаьдда, цуьнан похІма долчу йоьІа Ратигани Мзияс къахьегар бахъана долуш, таханлерачу дийнахь аьтто баьлла Мурманан литературни а, исторически а лехамаш кху пайдехь жайнехь оьрсийн а, нохчийн а меттанашкахь вовшахта.





Автор

Ратиани Мзия йина 1962-чу шеран кхолламан беттан 26-чохь Батуми гIалахь. 1979-чу шарахь цо чекхйаьккхина Тбилиси гIалара ишкол. Ратиани Мзияс болх бина заводера комсомолан райкомехь кадрови декъан куыйгалхочун даржехь. 1986-чу шарахь иза деша хIобьтира Рига гIалин 4-чу медицински колледже. Ратиани Мзияс болх бина ЛССР-ан Могашалла Iалашйаран министерствон 4-чу урхаллин 2-чу больницехь. 1989-чу шарахь дуыйна цо белхаш бина Гуържийн мехкан медицински хьукматашкахь. Гуържишна а, абхазашна а йукъахь тIом хиллачу хенахь цо болх бина Гори гIалара госпиталехь. 1996-2000-чу шерашкахь цо болх бина Тбилиси гIалара кардиологически клиникехь. 2001-чу шарахь дуыйна иза йукъараллин болх беш йу. 2015-чу шарахь дуыйна къахьоьгуш йу дас йолийна роман чекхйаькхарна тIехь.



Автор

Акаев Исмаїал – журналист, публицист, редактор, йаздархо, театран а, кинон а гІуллакххо, Лондонера Евразийски Кхоллараллин Гильдин Декъашхо, Кавказан йаздархойн декъашхо. 90-чу шерашкахь дуьйна литературехь жигара къахьобгуш ву. Акаев Исмаїалс йазийна, зорбане йевлла хІара тайпа маъІне, кІоргера чулацам болу литературни-исторически говзарш – трилоги «Серебреник», «Дахаран туьха», «Siiver Coin», «Записки штрафника. Млечный путь», «Свобода или смерть», «Маршо йа Јожалла», иштта шортта публицистически статьяш а, дийцарш а, цул совнаха Акаев Исмаїал автор ву, Нохчийчоьхь дуьххъара зорбане йаьллачу проектан – «Генеалогическое древо ЧИИНАХ БОКИ-ДУКЪ-АРХОЙ». Цуьнан литературни говзарш гочийна нохчийн а, Іаьрбойн а, туркойн а, италхойн а, ингалс а меттанашка. 1992-чу шарахь Акаев Исмаїалс Москва гІалахь схъайиллинера «Исмаїл» цІе йолу театр. Теман шерашкахь цо журналистан болх бина дуьненйукъара изданишкахь. Карарчу хенахь Акаев Исмаїалан литературни кхолларалла шуьйра йеза вайн махкахь а, иштта цуьнан дозанаІ арахъа а.



«БІОВ»

Тулг буьллуш тІулгана тІе,
Бохь боккхуш стигалан Іаьрша,
ТІоговзас тарханна тІехь
БІов йотта йолийра Наихахь.
Шурийца датийра латта,
Буьйр тухуш кечийра маркхал.
Хичуьра ворданахь готта
Чхар-тІулгаиш кхийхьира тоъал.
Боккха тІулг зІарзакъца ойуш,
Жиманиг – тІебахьаиш карахь,
Оьшучохь гІо-орца кхойкхуш,
БІов йина йелира шарахь.
НеІарна тІехула, куцдеиш,
«Кура тІулг» биллира шера.
ЖІовьнаца, сенаиш а нисдеиш,
Хьажийра массо а кхера.
ГІат къовлуш хьовзийра кхазариш,
Пенаца нисйира товха.
Дечиган кечдира ламеиш,
Кхерчан зІе тесири тховха.
Іад кхосса йитири барол,
ТІо тоха йири мершкхера,
Кор дири дІахІотто гІарол

*Тергалъян мостагИйн гIера.
Таъххъара бIов йерзош пхъеро,
Ял шен схъаэцале хъалха,
ЦIурко-тIулг буьйгIура чхерах,
Воккхавеш биначу баллах.
//Умхаев Хъамзат//*



Суьртан автор Берсаев Абдуллах

Пролог

Обарган новкъахъ

Ассаламу Іалайкум, лараме йешархой. Хазахетарца шун тидаме йалайо «Кавказан бахъаиш» џе йолчу романан аш зорбане йаларе сатийсина йолу 3-га том. Эрна билгалй-аьккхина йац оха – автораиша кхоалгІа том «Обарган новкъахъ» аьллачу џарца. Кху агІонашкахъ литературни баиша исбаьхъаллин маттаца гайтина мел чолхе хилла обарган некъ. Кхузахъ йешархочун аьтто хир бу Кутин дахар ма-дара довза, цуьнан да-нана цхъанакхетаиш, цара долийна кІоргечу, замано зийначу безаман жайна деша. КхоалгІачу томан коьрта баишалла йовзна йу кху агІонашкахъ йешархочунна йовзуйтур йолчу хІинцалиц цхъанна а йевзина йоцу Кутин дахарера шатайна кийсагаиш. Къаьсттина билгалдаккха деза мел йоккха меттиг дІалоцуи хилла цуьнан дахарехъ зудчо. Кху агІонашкахъ вайна хуур ду Кутин обарган некъ уггаре а хъалха цуьнан нанас къобалбина хиллий. Цуьнан Іилма а, кІоргера кхетам а бахъана долуи хууи хила Кутина нохчийн маттал совнаха Іаьрбойн а, тюркийн къаьмнийн а, иштта гуьржийн а, оьрсийн а мотт хууи хилла. Нохчаиша халкълахъ Воккха Хъаьжи олуи хиллачу Сесанара Ташу-Хъаьжин кІентан йоІа Цацас дагахъ КъорІан ху-

уи хъафиз ша хиларе терра, дукха жимчихъ дуьйна бусулба
динаца а, Iаьрбойн маттаца а цкъа а йовр йоцу уьйр кхоьл-
лина хилла шен кIентан. КхоалгIачу томехъ хуур ду вайна
го обарган новкъа вала Кутина и некъ баьккхинарг хиллий
Кутин да – Маьхъди, ткъа цо халкъана чIир оьцуи, йукъ
йехкаран бахъана доьзна ду оьрсийн а, нохчийн бIешерашица
лаьттачу мостагIаллица, бIешеран йохаллехъ империс нох-
чийн къомана тIехъ латтои хиллачу къизаллица, уьи охъ-
атаIo, къарба цо лелои мел хиллачуица. Кхузахъ вайна йуха
а го мел доккха маьIна ду адамалла бохучу дешан, хIунда
аьлча адамаллин цхъаьна а кепара дозанаи дац. Лаккхара
адамалла, син-оьздангалла йолчу йаьхъ йолу нах кхолламан
майданехъ нисбалар бахъана долуи, аьтто болу Кутин Iе-
далан таIзарах кIелхъарвала.

XIара дешхъалхе дIайолои, уггаре а хъалха суна билгал-
даккха лаьа, кху книгин коьрта турпалхо нохчийн бакъ вол-
чу къонахчун вастехъ доьналла а, майралла а, таханлера-
чу дийнахъ бийца бух а болуи а, тIаьхъе а йолуи, тIари-
къатан новкъахъ а хилла, бусулба динан кIоргера баххаи
девзаи, ламаз-марха а долуи, луларчу къаьмнийн метта-
наи а хууи, цаьрца доттагIаллин йукъаметтигаи а лелои,
нохчийн къоман исторехъ йовр йоцу лар йитина стаг хилар.
Довта-МартантIера обарг Кутех лаьцина, цхъацца бахъа-
нашица нохчийн йукъараллехъ цкъа а шуьйра дуьйцуи хилла
дац. Ткъа и бахъанаи вайна ма-хаьара оьрсийн Iедало даима
кхуллуи хилла. Нохчийн иэс самадаларан кхерам гуттарен-

на а хилла оърсийн Једалехъ.

«Кавказан бахъаши» џе йолчу кху шатайна кЈоргера жайнахъ йешархочунна карор йу Кавказан къаъмнийн а, иштта нохчийн къоман дахарера а хЈинцалц шена йевзина йоцу агЈонаш. Ратиани Мурманан шен архивашихахъ йозанца гулбеи хилла шайн дахар ца кхоош, нийсонан а, диканан а новкъахъ лаьтташ хиллачу Кавказан бакъ болчу турпалхойх лаьцна массо а хаамаш. Амма, хала хеташ делахъ а, Мурман дуьнен чуьра дЈавахана шен йозанашина чакххе йан а, зорба тоха а ца ларош, амма доккха ирс ду Мурманан кхоллараллин некъ ца хадийта, цуьнан йоЈ Мзия хилар. Иза бахъана долуш, аьтто баьлла вайн тахана, Мурманан архивехъ пайда а оьцуш – цуьнан йозанашина тЈехъ болх бан а, хЈара жайна зорбане даккха а.

Кху жайнан тЈехъ бан бежа болх хЈинца бина баьлла, амма кестта йешархойн аьтто бер бу йоьалгЈа том йовза а. КхоалгЈачу томан хЈора а агЈонехъ йешархошина бевзар бу дЈаэхначу шерийн исторически хиламаш, маршо а, паргЈато а къуьссуш хиллачу турпалхойн майра ойланаши, церан синхаамаш, лехамаш. Со воккхаве кху жайни тЈехъ мехала дакъа дилла сайн аьтто баларна.

Амма ала догЈу – ширачу заманахъ дуьйна нохчаша шайн лаьмнашкахъ лекха бЈевнаш йеш хилла. Цу бЈевнашкахъ уьш бехаш хилла, цу бЈевнашкара мостагЈийн бЈо а йуха тухуш хилла цара. Заманан йохалла стигла кхийдаш хилла ирхечу

тархаш тЕхь тУлгах йоьттина нохчийн шира бЕвнаш.

Хийла мостагIа вогIура уьш йохош, амма тIаьхьарчу тIаьхена йуха а буьллур тУлг, йуха а йуьллур бIов шайн дай баьхначу лаьмнашкахь. Нохчийн ломахь рогIера тIеман дарц даьлча, хеталора и бЕвнаш йан кхин стаг хир вац, уьш кхин цкъа а гур йац цу лаьмнашкахь, амма цу бЕвнийн херцаршна тЕхь гучуйовлур керла гIаланаш. Даймахкана хьалха долу декхара сил а, дахарал а деза хетачу къоман ницкъ кхочура шайн маршонан билгалонан – керлачу бЕвнан тУлг билла.

ХIоразза а летара нохчий мостагIех шайн маршо, паргIато, синтем къуьссуш. МостагIийн терахь алсам мел долу, гIора дайна къам кхин а лекха лаьмнашка хьалагIертара. Лакха хьала мел довлу, цаьргара ницкъаш кхууьра, уьш и лаьмнаш санна онда а, зорьтала а хуьлур, цундела мостагIчо ца боккхура толам, иза иэшамца лаьмнашкара йухавоьрзура.

Цигара охьабиссича, шайн хIусамех йиссина херцарш бен ца карайора царна, амма дахаре болчу безамо, цу дахарца йолчу шовкъа гIо дора царна и хIусамаш тайеш, цу чохь керла дахар кхолла, доьзалаш кхио. Ишта дIаоьхура бIешераш. Карарчу хенахь, 21-чу бIешарехь а дерриге а дуьне теш хилира нохчийн къомана тIебеанчу баланан – йохийна, йаьржийна йарташ, гIаланаш, амма цара шайн дайша санна йухаметтахIоттийра шайн дахар, царна йуха а карийра шайгахь доьналла а, ницкъ а. ХIора а нохчочо шен бIов йуьллуш, лерина тIулгана тIе тIулг буьллу, и тIулг цуьнан къоман историн лард йу. ХIора а тIулг нохчийн Iадат ду – къоман син-

оьздангаллин лиьр йоцу гIап, и хIора а бIов – кьоман тIум йу, цуьнан иэс дийна хиларан билгало йу. Нохчийн лаьмнашкахь лаьтташ йолу бIевнаш шатайпа архитектура хилла ца Iа, иза – нохчалла кхоллалуш йолу пхьаьлгIа йу: – Бусулба дин, Сий, Адамалла, ГIиллакх, Доьналла, Ларам, Оьздангалла, Маршо, Нийсо, Барт, Ийман, Комаьршалла, Кьинхетам – кьаьсттина и лиьр йоцу мехаллаш йеха цу бIевнашкахь, цу мехаллах йоьттина а йу уьш нохчийн кьомо. Цу мехаллашна йукьара цхьаь мукъне а «тIулг» ца хилахь, бIов хаьрцар йу, иштта нохчочун йиш хир йац ша нохчо ву ала, нагахь санна цуьнан дахар цу мехаллах доьзна ца хилахь.

Нохчий цкъа а ца хилла дин доцуш, ийман доцуш. ХIинцалера харц историкаша нохчийн кьам Iеса хилла боху ойла йаржо гIерта йукьараллахь, амма нохчийн кьам кху дуьнен чохь мел деха, дехаш хиллачу Iадатана чохь гулийелла йу бусулба динан уггаре а йеза мехаллаш. Хийла кьахьегна мо-стагIаша нохчийн кьоман це йожо гIерташ, цунна ирча це кхолла гIерташ. Цу гIуллакхна шайн ницкъаш ца кхоййна цара цкъа а, амма даима а иза эрна хуьлу, хIунда аьлча нохчийн кьоман ша мокхазан берд санна йоккха гIортор йу – цуьнан истори, мотт, син-оьздангалла.

Кьаьсттина меттан хьокъехь дерг аьлча, билгалдаккха деза нохчийн мотт кху дуьнен чохь уггаре а хьал долчу а, ширачу а меттанашах цхьаь хилар. Нохчийн меттан хIора а дош кIоргера чулацам а, маьIна а долуш ду. Нохчаша шайн маттахь йитина тIаьхьенна йовр йоцу лар – дуьненан да Де-

ла хилар тешош. Цундела и Дела воцург шайн коьртехь цхьа а гина вац царна цкъа а, цундела ца хиъна царна цкъа а цхьанна а къарбала – йа паччахьан Йедална а, йа аренца тЕлеташ хиллачу мостагIашна а, йа къызачу советски политически ражана а.

Нохчочо орамца хадош ду шен тайпанехь а, тукхумехь а ша санна волчу маьрша стагана тЕхь олалла дар. Нохчаллехь каро мегар ду хьекъалан, динан бух. Цу буха тЕхь кхуллуш хилла къомо шен кхане, нохчаллас къагош хилла цу къоман дахаран некъ.

ХIара книга йешча хуур ду Кавказ цкъа а акха ца хиллий, мелхо а адамаллин а, син-обздангаллин а масала иза хиллий. Нагахь санна Рим а, цуьнан бакъо а, иштта кхин йолу дуьненан пачхьалкхаллин кепаш а нохчийн Iадатаца дустича, мел дукха хIума Iамо дезар дара царна. ШарIанан бакъонаш а, Iадатан лехамаш а мах боцу хазна йу. Шен дахарехь царна тЕтевжаш волчу ламанхочо цкъа а дийр дац зулам.

Адам син-обздангаллехь кхиорехь Iаламат йоккха меттиг дIалоцу матто, цундела шеко йоцуш ала мегар ду, ишта маьрша, кIоргера мотт болчу къома цкъа а ца айайтина шена тЕшед. Цуьнан тоьшалла ду кху книган хьалхарчу а, шолгIачу а томашкахь коьрта чулацам хилла кийсаг – къоначу элас тоьхна шед ца ладеллачу нохчочо динарг. Синхаамийн шорте цу маттаца ца хилча, къоман кхетам къен хуьлу. Тайп-тайпанчу меттанашах кхоллабелла болу мотт заманан йохалла бовр бу, иштта ша кхолла гIиртина къам а дIада кхераме ду.

Ткъолгачу бѣшеран йохаллехъ Дела вац бохуш хиллачу къомо хІун ойла кховдор йу дуьненна? Хир буй цуьнан да-
харе болу хъежамаш сирла а, цѣна а? Иштачу къомо дуьнен-
на зен бен дийр дац, цуьнгара синтем а, паргІато а хир йац
цхьанна а. Цуьнан даима а лаам хир бу кегийчу къаьмнаш-
на тІехъ олалла дан, цу къаьмнийн барт бохош, уьш дохийна
даржо, уьш шех дозуш хилийта.

Паччахьан Іедалан кьиза а, боьха а хилла политика кхайк-
хаза хьаша хилла, герзан ницкъаца кхечира Кавказе, шеца
зулам а доьхуш. Цу Іаьржачу ницкъаша Кавказан хийла къ-
аьмнаш хІаллак дира. Маьрша адам лан амале дерзо гІир-
тиначу цу Іедало бен доцуш цІий Іанийнера Кавказехъ. Цуь-
нан Іалашо цхьаь йара адаман кхетам кагба, цу адамна ша
цхьаммо дола дан дезаш долу дийнат ду моьттийта.

Мел чІогІа ницкъ болу пачхьалкхаш а мацца йоьхна а йух-
ур йу, шаьш дуьненан дай хеттарш белла дІабевлла, амма
чаккхе йоцуш йу хир йу бартаца, нийсонца дахар кхуллучу
къаьмнаша дуьнен чохъ йуьтур йолу лар. Нийсонан бакьо-
наш йоцучу махкахъ даима а коьртехъ ницкъ а, ахча а хир
ду, цундела ишта пачхьалкхан даима Іалашо хир йу нехан
маршо дІакхалла, цуьнан сурсатех а, Іаламех а шена пайда
оьцуш. Иштачу ницкъашна дуьхьало йалур йац кІиллошка.
Боккъалла а кІоргера кхетам а, майра дегнаш а долчеран бен
аьтто бер бац шайн сирла ойла дуьненна кховдош, къиссам
латто.

Ширачу заманехъ дуьйна даима а мостагІашца латточу къ-

иссамехъ кхиъна йу нохчийн къоман лаккхара син-оъздангалла, доьналла, шайн Даймахкана – Кавказана муьтIахъ хилар. ХIора а заманехъ хиллачу къызачу тIемашкахъ, буйьсанан боданехъ гучудовлу седарчий санна гучубовлуш хилла нохчийн къонахий. И къонахалла наноша аганехъ дуйьна кхиош хилла берашкахъ. КIилло хилла дуучу дуйьненан мах хетта бац нохчашна цкъа а. Нохчо дегIаца а, сица а кхиар чолхечу хьелашкахъ хилла, амма хIете а иза нуьцкъалла а тоьлла а хилла Кавказ къар йан оьхучу мостагIел.

Ишта сица а, дегIаца а турпалалла шегахъ йолуш веана кху дуйьненчу Довта-МартантIера нохчийн обарг Кута а. Цуьнгахъ дегIан хазаллел а, лаккхарчу син-оъздангаллел а, майраллел а кIоргера Iилма а хилла.

Мел зама дIаэхарх, оьрсийн Iедалан Кавказан хьокъехъ йолу политика цкъа а хийцайелла йац. Цу Iедалан лаам цхьаь бу – Кавказан къаьмнаш шайн историх, маттах, Iилманах, оъздангаллех дохуш, уьш сийсаза дар.

ХIара книга, шеко йоцуш боккъалла а Кавказан жайна лара мегар ду, хIунда аьлча кхузахъ автора цхьа а озабезам боцуш гойту хIора а Кавказан къоман сирла ламасташ, гIиллакхаш, амалаш. Гойту церан барт а, цхьалла а. Обаргийн вежараллийн уьйраш, уьш вовшашна орцане гIовттар йу кху книгин коьрта башхалла а, кIоргечу чулацаман цхьа агIо а. Автора доккхачу литературни похIмаллица а, исбаьхьаллица а довзийтина коьртачу турпалхочун – нохчийн обарган Кутин васт. Иза къиссамах, цIий Iанорах хьаьгна, хьере зулам-

хо вац, иза халкъан чIирхо ву. Цуънан коърта лехам – нийсо йу. Цу нийсонан новкъахь лела хаъа цунна.

Ала деза, заманан майданехь шена дуьхьал Югтавеллачу муьлххачу а къомера а, динера а, даржера а волчу стагаца бийца мотт карийна цунна, шен ойла а, ша арабаьккхина некъ бовзийта а хиъна. Кутин ламастехь дацара гIийлачунна тIехь ницкъ бар, иштачу ницкъашна дуьхьало йан даима а доьналла хилла цуьнгахь. Дашца а, гIуллакхца а нийсо къуьссуш хилла иза даима. Цо цкъа а ца къестийна къаьмнаш. Мискачу стеган орца а, мекара мостагIан кхерам а хилла лелла ву обарг. Цуънан сирла васт дуьненан тIегIанехь дийца хьакъ ду. Билгалдаккха деза, иза бекхаман новкъа валаран коърта бахъана а. Йезарца шовданехь лаьтташ хиллачу жимачу стаге ца ладеллера нуьцкъала шен махка а кхаьчна, шен къомана тIехь олалла дан гIертачу бийца бух боцучу, мостагIаша, шайн боьхачу ламастехь ма-хиллара нохчийн йоккхачу стагана йина гIело.

Исбаьхъа хазачу нохчийн матто дашо хIур биллина пхьегIа санна хазийна хIара книга. Къаьсттина билгалдаккха деза, нохчийн мотт кху дуьненчуьра муьлхха а мукъамца богIуш хилар, цу маттахь аьлла муьлхха а дош шатайпа чулацаме доьрзий хазлуш хилар. Ойла йе йешархо, хьайн ненан меттан бекаре, тIаккха хьуна хьайн Даймехкан васт гур ду – ламанца даима а йекхна хуьлу Iуьйре, мелачу мохо безамца хьобсту хьан дерриге а дегI. Моттало и Iуьйренан хIаваъахь куьйг Юьттича хьуна хаалуш ду. Йуьртан цIенойн тхев-

наштIехула меллаша бIаьрг тоьхча цкъа хьалха гучуболу ламанийн кIажехь Iуьллу луьстачу хьаннийн и сийна хIорд, ткъа цул тIаьхьа хьан бIаьргаш хьоьстуш и сурт лакхене долу, кхин а леккха, кхин а лекха гучудовлу замано къеждинчу нохчийн ламанийн баххьаш. Ламанан луьстачу хьаннийн и баьцара дуьне самадоккху олхазарийн зевнечу иллеша а, дашочу маьлхан зIаьнарша а.

Цу хьаннашка бIаьрг тоьхча хетало малх хIора а дитте маршалла хоттуш бу, хIунда аьлча цуьнан зIаьнарш ца кхочуш ца дуьссу цу хьуьнхахь цхьа а дитт. Хьаннаша хьулдинчу лаьмнашна тIехьара гучудовлу ло санна кIайчу лаьмнийн баххьаш. Уьш кхарел лекхох ду, хетало цара сийначу стиглахь мархашца цхьаьна нека до. Хетало и мархаш лаьмнашка бахначу безамо стигланца къастийна церан кортошка йисийна. Дагалецамийн эшарехь цхьа тамашийна мукьам хеза. Цу мукьамехь гIайгIа хазахетарца хийцалора, цу мукьамо чаккхе йоцуш хестайора Iаламан сийлалла. Хетало и мукьам лаьмнаша йазбина бу. Цо тоьшалла дора Iаламан лаккхале адам кхочур ца хиларан.

Цхьаьна а илланчан похIма тоьур дац, шен мукьамехь хазийта хIаваан къамел а, гIа-патарийн шабарш а, чIург йетташ догIучу шовданан декар а, ламанан чIожехь чухецаделла цкъа Терках кхетта, йуха Таркхойн хIордан сийначу тулгIешца дIаэ хьаьгначу Органан и буьрса гIовгIа а. И ша дерриге а гайта а, хазийта а аьтто хир бац цхьаьна а сурт диллархочун а, йа илланчин а. И тайпа хазачу маттахь довзийтина

долу Кавказан хаза гИллакхаш дагах ца кхетийла йац.

ХIара книга шеко йоцуш мехала дакъа ду нохчийн литература кхиорехь а, IалашIарехь а. Къаьсттина билгалдаккха деза, нохчийн меттан хазалла кху книгин агIонашкахь йовзийтиначу гочдархочун корматалла лаккхара хилар. ХIора а кийсаг шатайпа дагах кхеташ, ша зевне мукъам санна йека лерехь. ЧIир, къиссам, цIий Iанор, къизалла, амма цу дерригенна а йуккъахь, Кавказан оьздаллица, кIоргера нохчийн маттахь кху агIонашкахь бовзийтина сирла безам. Масала, кхарачойн эла Бекмирзас нохчийн обарге шен дагара дийцар:

«Кута! Суна чIогIа эхь-м хета хьовга иза дIаала, амма сан бехк болуш хIума дац иза. Безам бахна сан. БерхIиттара ваьллачу жимхина санна йоI йезаелла суна, цу безамо дIалаьцина сан берриге а кхетам. Со мичча а вахча а, хьаьнца а къамел деш хилча а, хуьлийла со цIахь йа, ломахь, йа хуььнахахь, йа доьзалан гуонехь, доттагIаища шуьнехь, йа мостагIаища болчу къиссамехь, сан ойланашкахь цуьнан сибат бенкхин хIумма а дац. Де а буйса а, вижар а, гIаттар а доцуш лелаиш ву со. Цуьнан и исбаьхьа хаза амат ша барзана тIаьхьа ваьлла иччархо санна суна тIаьхьа даьлла лелаиш ду.

Ас даима а ловху и амат – гIенахь а самах а, ловху, марха даста хьаьгначо стиглахь маьркIажен седа ловхуш санна, ижунна тебначу цIовкъ-ловмо ловхуш долу лу санна, диканак дог диллинчо тIаьххьара сатийсам санна, ловху турпалхочо ловху шен толам санна. Лехнарг карадо ма олура,

*ва Кута! Цуьнан и кIоргера, дахаран цIе шайна чохь кхер-
стаи болу и жуьгIар ши бIаьрг, ломара шовданан санна долу
цуьнан и самукъне йелар – цу дерригено а со хьере вина...»*

Ларамза дац нохчийн матта ишта шатайпа боккха тIелат-
къам беш хиларан, хIунда аьлча и мотт ширачу Шумере-
ра схьабеана, Пайхамараша бийцина мотт бу, цундела ду
цу меттан бекар ишта шатайпа, цу матто кхуллуш йу нох-
чийн къоман син-оьздангаллин лард. Шеко йоцуш хIара кни-
га, йерриге а Кавказан исторехь йоккха меттиг дIалоцуш
йолу говзар йу. Кху книгас самадоккхур ду нохчийн къо-
ман иэс, тIаьхьарчу тIаьхьенна нийсонан, **Бекхаман Нов-
къахула** доьналлица чекхваьлла волу вайн къоман сийлахь
турпалхо – Довта-МаргантIера, чIинхой тайпанера нохчийн
обарг Кута вовзуйтуш.

*Акаев ИсмаIал – Евразийски Кхоллараллин Гильдин
декъашхо, Кавказан йаздархойн Клубан декъашхо.*



Сург диллинарг Айтек Дуг

Обарган новкъахъ

*Шийла буйса —
Меца кийра.
Дайна гЮра,
Гийла говр а.
Тобнан гIан а,
Шаьлтан ботт а.
Буйса Iаьржа
Стиглахъ седа...
Дуьне-эхарт,
Упханан тхов а,
Кошан барз а,
КIайн марчо а.
Шийла тIулг а,
Iаьржа верта.
Йоьду зама —
Дог ду ихьалха.
Ненан бIаьргаиш —
Шийла шовда.
Деле вoьхуш —
Йиша йoьлхуш.
Буйса Iаьржа,
Борз а угIу...*


Шена кIант а

*Дена обьшу.
Буйнахъ шаълта,
Топ а, тапча...
Дехен лазам —
Деган чов.
Бобхна новкъахъ
Обарг лела —
Цхъалха тІулг а
Хилла шийла.
Йилла къоман
Лекха, чІогІа —
Дехе сийлахъ
Лекха бІов...
Ирс а доьхна
КІант а лела,
Шовдан йистехъ
КІудал йеса...*

Акаев ИсмаІал



Нохчийн обарг Довта-МартанГера Кута



Суртан автор Дикаева Янина

Безаман кхоллам

I

Ши кIира даьллера Кутас къеначу Шоптакхан говраш йу-хайерзийна. ХIинца обарг шен доьзалца хан йоккхуш, Довта-МартантIехь вара. Ма-дарра аьлча-м иза цIахь хуьлуш а вацара. Стиглахь маьркIажен бода баржарца нийсса, араволура иза луларчу йарташкара а, кIотарашкара а шен накъостий болчу хьошалла дан.

ВаларгтIера аьккхи лор Элмарза волчу а кхечира Кута, шен чов цунна гойтуш. Иштта масех де даьккхира обарга СемаIашкара шен зумсой вежарий болчохь а. Дуй биъна вешица Котар-Йуьртара нашхо Пирмахаца цхьаьна Йоккхачу АтаIара Тамаев Аюб волчу а вахара Кута, масех де Шелахь а даьккхира. Иштта кхечира дай баьхначу Уьшкхала а. Ма хаза бара Даймохк, ма цIена, ма ирсе, ма сирла хетара обаргана ша кху лаьттахь йоккхуш йолу хIора а гIулч. Бекхаман новкъахь, халкъан чIир оьцуш, хийла Кавказан лаьмнаш толлура цо, амма кхузахь санна цхьа тамашийна мерзачу лазамо ца хьулдора дог. Синтем бойначу кху нохчийн ломахь ма дехара обарган синтем лобхуш долу са...

Цаца реза йацара кIантана, цо доьзалца хан кIезиг йоккху бохуш.

– Ва Кута, хъан кІентий баккхий хилла. Цхъа жимма мукъне а царна а кхачийта хьо! Царна а оьшу хир ма ду хьобгара гІо. Уьш-м хьобх дагабовла, хъан хьехаршка ладогІа сатесна ма бу. Айхъа кху къомана ца кхоош йолу йовхо, тхуна а кхачийта жимма. Хьобх хьобгуш, хьо гаре сатесна ма ду тхо, ткъа хьо чувобьрзуш а вац! – йелха озалуш, неІсагІе йахара йоккха стаг.

Кутин дог Іевжира. Ша боккълла а бехке хийтира цунна доьзална хълха.

– Нана! Сан дика нана! КъинтІера йалалахь суна. Кху чолхечу дахаран беа мохь бу ас хъан белшашка божийнарг. Хьайн къоналла а, хьайн дерриге а дахар а суна лерина хиллачу ахь, хІинца хьайн дахарехь йаьккха йиссина хан сан берашна дІайелла. Боккълла а ма бехке ву со хьуна хълха – марайобллира цо нана, цуьнан йерриге а йовхо шен сих а, дегІах а хьарчош. Ишта бара обарган дахаран чолхе некъ. Халкъана, къомана, Даймахкана цо ца кхойначу беамах а, йовхонах а хьобгура цуьнан сих баьлла доьзал а, хІара вина нана а.

Кутас сацам бира цхъа кІира цахь даккха. Ма боккха кхаьб бара иза обарган доьзална. ХІора сарахь шайн деца пхьордар, шайна дуьненан Іаламат гар санна хетара Кутин берашна. Кута хьешашка хьобжуш вацара, цундела Хьамида дІакъевлира кевнаш. Могашалла дика тайелла, цІентІехь дезарш деш йара Заза а.

Кутин дахаре ларамза кхаьчна адам дацара Заза. Алдыра хорачочун Ульбин йоІ Заза обарг Зеламхин маьхча йа-

ра. Ульби – Зеламхин дешича вара. Хазаллица шен баьрг бузош йолу къона йо! Кутина дуьххъара гира ша Зеламхича Алды веанчу хенахь. Жималлехь Цака олуш хилла йолу Заза йоккха меттиг дАлецира обарган синтем бойначу дахарехь, ткъа дукха хан йалале цуьнан кхерчара це латош, обарган хIусамнана а хилира цунах. Нускалан це хийца дийзира, хIунда аьлча Цака це йолуш Кутин гергара стаг йара, ткъа нохчийн Iадатехь марзхойн це йаккха магийна дац несаршна. Заза сиха йобллера шен керлачу цIарах а, керлачу доьзалах а. Цхъа хан йаьлча Зазин доьзалан а дезар ду Алдыра Довта-Мартанге сехъабовла. Алдыхь дов даьллачу хенахь, Ульбин вашас Бенара ши ваша вийна хилла, амма чевнаш хилла ша а дIакхелхинера иза. Нохчийн Iадато ма-бохху цу доьзалца гIиллакх латтош, йуьртах бевллера УльбигIар.

Гергарчаьрна хаьара Кута цахь хилар, цундела цуьнан паргIато ларйеш, ха деш бара Кутин шичой Эска а, Джама а. Нагахь санна кхерам хилча, сихонца цуьнан гIо даккха а, иза ларва а кийча бара къона ламанхой. Цундела ма ца лаьара Кутина цахь дукха хан йаьккха, шен гергарчарна а, накъосташца а ша бахъанехь зулам ца хилийта.

ХIара суьйре боккъялла а цхъа шатайпа йовха йеара обарган доьзалехь, ткъа иза хазийнарш бара Цацин жималлин да-галецамаш.

– Мегар дуй со чохъайала? – хаьттира Цацас, кIентан неI тухуш.

– Ва дер мегар ду! – сихонца маьнги тIера гIоттуш, нана

чуйалийра Кутас.

Шена тѣахъе, берийн бераш а дахкош, чохъайелира Цаца. Обарган чохъ йоккха йацара. Цхъа кор керта хьохъжуш дара, ткъа важа божалина чу даьккхина дара, Кутин говран са ца гатдалийта. Кора йистехъ лаьтгара тѣетисина кхакханаш а долуш, дечиган маьнги, ткъа цунна улло беа кога тѣехъ лоха стол. НеІарна дуьхъал лаьтгара доккха тѣорказ а, масех гІант а. КІеда йолче шен нана охъахайтира Кутас, цуьнан букъа тѣехъа гІайба а буьллуш. НеІсагІехъ эхъ хеташ лаьтгара бераш.

– Хьамид, чохъядовла шу а! – кхайкхира берашка Кутас. Дас аьллачух хилла доза доцу хазахетар ца лечкъош, чохъявелира Хьамид а, Ремид а, ткъа царна тѣахъе Бакали а. Меллаша чохъяйаьлла, Цацин когашка охъалахъйелира Заза а. Кутина гуш дара шен дагна безначийн йаьххъаш тѣехъ йолу нуьре серло. Ма чІогІа сагатдина хилла цара кхунна. Кхуьнан сих а, дегІах а хъаьрчира цхъа шатайпа йовхо, шерашца кхо сатийсина хилла синпаргІато. Кху шатайпа сарахъ кхийтира Кута ирс бохучу дешан дуьззинчу маьІнах.

– Муха хир дара те сан дахар ас кхин некъ хъаьржинехъ? Массара а санна дийнахъ аренгахъ къахъоьгуш, ткъа сарахъ доьзалца цхъаьна пхьор дууш, цхъанна а новкъа а воцуш, цхъаьнгара а кхерам а боцуш, буьйсанна мерзачу набарна а тевжаш, Іуьйранна маьлхан зІаьнарша сама а вохуш? Вахалур варий теша со ишта? – цѣеххъана ойла кхоллайелира Кутин. Амма обарган дахар кхин дара. Иза бекхаман новкъахъ

вара. Кхолламо хаържинера иза бехк боцуш шен кьоман Йеныйначу цийх чир иэца, цундела йухаволийла дацара, деган кЮргенехь мел чога цо паргIатоне сатийсарх а. Эххар а Кутин ойланаш йукъахйохуш, йистхилира Цаца:

– Дийцал хинца – элира цо Кутин кIенташка. – Хьобца цхьа кьамел дара кхеран. Чога сатесна бара хЮрш хьобца ишта паргIат хан йаьккха, кьаьсттина Хьамид. Делан кьинхетамца вайна а кхечи хIара тховса, цундела хатта шайна луург – элира Цацас.

Хьамида эхь хетта корта оллийра. Жимхас боккьалла а сатийсинера деца дагара дийца, амма и мIаьрго тIекхаьчча, кIант воьхнера. Хьамидана Кута да хилла ца Iара – иза Кавказан тоьлла кьонаха, Паччахьан эскарна шен цIарца кхерам тоссу турпалхо вара уггаре а хьалха. Шен кIантана гЮьнна йеара Заза.

– Баба, дукха хан йу Хьамид шен дега хатта лууш волуша цунна улло хила мегар дарий, цо хаържинчу некъаца ваха мегар дарий?

Кутас доккха са даьккхира:

– Дер Хьамид воккха ма хилла. Суна накьост хуьлу хан а йу цуьнан. Амма цхьа хIума ду. Цкьа делахь кхолламо ша кьастор ду цо муьлха некъ харжа беза. Нагахь санна кхолламан жайнахь Дала йаздинехь иза мацца ваьлла а вер ву со санна бекхаман новкъа, цундела зама сихйан ца оьшу. Заманан дой ахь шед йетта ца оьшуш даима а чехка хуьлу хуьна, Хьамид. Иза цкьа а диц ма делахь. ШолгIа делахь, суна

кху хІусамехъ оышу сайн метта тешаме гІортор. Де дийне мел долу, со паргІат хуьлу, сайн хІусамехъ, сан доьзалах жоп да-ла боьрша стаг вуйла хууш. – Вехха кІентан бІаьра хьаьжира Кута. – Сан да а, цуьнан да а, доцца аьлча вайн дайша хаьр-жина бу бекхаман некъ. Цара ца хаьржина дахарехъ паргІато а, синтем а, ирс а, цундела сан ши кІант а кийча хила веза, муьлххачу а мІаьргонехъ шайн Даймохк а, шайн кьоман сий а, шайн дин а ларда мостагІчунна йуьхьдуьхьал хІотта. Бо-латал чІогІа хила деза шу дегнаш, цу дегнел чІогІа аш делла дош. Даима дагахъ латтаде сий долуш дуьнен чохъ ваха хала ду, амма сийлахъ ду. Сан дахар атта ду моьтту шуна, мел чІо-гІа ас мостагІашна кхерам тассарах, мел чІогІа со майра хи-ларах, цу мостагІех цхьаммо соьл хьалха герз кхоссахъ, сан дахаран некъ хедар бу. Ламанца лела берзалой санна бу со а, сан накьостий обаргаш а. Тхуна ца хаьа муьлха Іуьйре хир йу тхайн дахарехъ тІаьххьара, амма эзар ирсе некъ тхайна хьалха кхолламо биллича а, оха йуха а хоржур бара бекхаман чолхе некъ, хІунда аьлча тхан ирс тхайн кьоман маршонца доьзна ду. – Кутас дехха кьамел дира шен кІенташца...

Хетарехъ, иза ша а хиллера шен дагахъ дерг дийца хьаьгна. Кутин ца хиллера ишта шен ден кьамеле ладогІа аьтто. Хин волчу обарган йалх шо бен дацара, да бакъ дуьнене вирзинчу хенахъ.

Халла дагайогІура обаргана шен денана Товсари. Иза Тумсой тайпанера йара. Доьзалехъ уггаре а йоккха хилар-на вежарша чІогІа ларам лелабора цуьнца. Кьаьсттина цунах

чІогІа ийна вара уггаре а жимох волу ваша Бетамарз. Цундела вара цуьнан ши кІант Ахмарза а, Нохмарза а ишта тІекаре шайн дейишица. Товсарин кІант Эза – Кутин деваша санна Нохмарза а вара Имам Шемалан наиб.

Ткъа да Кутин иэсехъ гуттаренна а висира къовламе а, буьрса а стаг санна. Кутина дага ца догІура цо ша цкъа мукъ-не а хьостуш йа маравуллуш. Шерашца къуьйлура Кутас шен деган кІоргенехъ и вас, цкъа а цхъанна а иза ца йовзуьйтуш. Дегара ца тоьуш хилла безам а, йовхо а девашас Эзас меттахІоттийра кІентан дахарехъ. Обарга цІеххъана шен нене хьаттира:

– Нана, со сан дена дукха везарий?

Кутас и хаттар дуьххъара деллера шен нене, цундела Цаца цецйелира:

– Вай дер везара. И стенна хьаттира ахъ?

– Суна цкъа а дага ца догІу, цо со хьаьстина, йа довха дош аьлла... цундела хьоттура ас. Суна чІогІа хала а, буьрса а амал йолуш стаг хетара иза.

– Дер везара хьо цунна чІогІа дукха. Хьо бен кхин дахаран маьІна ма дацара цуьнан кху дуьнен чохъ. Іуьйранна хьо самаваларе сатуьйсура цо, буьйсанна хьо дІавижча хьуна са гатлора цуьнан, амма къонахийн ламастехъ дац синхаамаш Іорабахар, ткъа и санна къонаха суна сайн дахарехъ гина вацара. – цІеххъана шен къамел сацийра Цацас. ТІех лазаме бара дагна сел мерза болу къоналлин дагалецамаш. Йоккхачу стеган йуьхъ нуьре хуьлуш сирла йелира, Кутин да хьахийча.

Цеџаьлла Заза кхийтира бакъ болу безам замано тишбеш ца хиларах.

– Хъан да шен дахарехъ атта адаме лалур боцу бала лайна стаг вара, цундела кхоьрура иза вайшинах къастарна. – йоккхачу стеган хебаршка иэхначу йуьхьтIехула охьахьаьдира бIаьрхийн даккхий тIадамаш. Массо а кхийтира дагалеца-мийн лазамо Цацин дог Iовжийна хиларах. Эххар а гIайгIане тийналла йохош, йистхилира Бакали:

– Баба, дийцахьа хIун хиллера дадина? Ахь цкъа а ца дийцинера тхоьга цуьнан дахарах лаьцна.

– Дер ду и дукха лазаме, дукха Iовжаме дийцар. – доккха са даьккхира Цацас, ткъа йуха жимма соцунгIа а йина, долийра шен дийцар. – Дуккха а, дуккха а шераш хьалха, оьрсийша къиза дийнера цуьнан пхи бер а, Довта-МартантIехь хазаллица цIейаххана хилла зуда а. Шен дахаран ткъе итт шо чIирана дIаделлера шун дедас. ХIара дуьне гатдинера цо шен мостагIашна. Цуьнан аьтто а баьллера уьш массо а вен, цхьаь виссалц. И цхьаь таIзар ца деш витинера цо, цуьнан кегий бераш хиларна.

– Баба, хьуна девзарий и бераш? Тхан ден вежарий а, йижарий? – догIена велакъажарца хьаттира денене Кутин жимох волчу кIанта Ремида.

– Суна муха бевзар бу уьш? Со хIетахь дуьнен чохь а ца хиллера. – йелайелира Цаца.

– Муха? Хъайн майрчун берел жимох йу хьо? – шен це-цIалар ца лачкьийра Зазас.

– Сан майра-м сан дел а вара воккха! – йелакъежира Цаца.
Мел лазаме хиларх а, амма дагалецамаша хьобстура цуьнан
дахаро Ювжийна дог.

Шен марнана маракъовлуш, Зазас дийхира:

– Баба, дийцахьа муха девзинера шу? Хьо Нохчмахкара
ма йу, Органал дехъара.



Сесана...

II

– Йу. Со йина а кхиъна а Нохчмахкара Сесанахъ йара. Боккхачу, ирсе доьзалехъ кхууыш йара со, ден-ненан безамах а, бахамах а хъаьгна йоцуш. Къаьсттина чЮгIа со качыйна лелош йара сан денанас. Цунна чЮгIа дукха йезара со. Иза Кавказехъ цейаххана волчу шайхан Ташу-Хъаьжин йоI йара. Кеси́ра йара сан дененан цIе. Ши-кхо шо долуш дуыйна цуьнца йуьжуш, гЮгтуш, цо лелош йара со. Дукха жима йо-луш дуыйна цо сийлахъ деза КъорIан а, Iаьрбойн йоза а Iа-мийра суна. Бабас соьца цхъаьна шен чохъ кхин долчу бе-рашна а дара КъорIан Iамош. Шийгта шо кхаьчначу хенахъ доли́йра ас сийлахъ деза КъорIан дагахъ Iамо. Кертахъ, цIен-тIехъ деш долчу массо а гIуллакхах мокъа йаьккхинера со, сан дешарна новкъарло ца йан. Нанас дов дора суна, гIуллакх дан Iама бохуш. Маре йахча, майрчо аракхуссур йу хьо. Хъ-анна оьшу ишта зуда? – олура соьга нанас. – ненан сирла си-бат дагатесначу Цацас соцунгIа йира шен къамелехъ. Цхъам-мо а сихйеш йацара иза. Массарна а хаьара кийрара охъахе-цабелла дагалецамаш совцур бац, цундела Цацас йуха а до-лийра къамел.

– Ткъа шо кхаьчча, дерриге а КъорIан дагахъ хаьара су-на. ХIетахъ сацам хилира сан дененан маьждигехъ зудбераш-на лерина хъуьжар схъайоьллуш, со цигахъ хъехархо балха хЮгто. Иза сан дахаран йоккха а, шатайпа а агIо йара. Зуд-

бераш сан дешархой хилла ца йара, со йобллера церан къона-
чу кхолламех, дахарех. Суна бевзара церан лаамаш, сатийса-
маш, баъстенца лаьттахь гучуйевлла зийдигаш санна болу
церан дуьххъара цена синахаамаш. Тхан гергара масех йо
тхо долчохь йаш йара дешар чекхдаккхалц. Суна дахарехь
гуш кхин хIумма а дацара, айса хаьржина Илма доцург. Сан
коьрта Галашо йара сайх тешна долу зудберашна буьззинчу
барамехь сайн хаарш кховдо. Хан йобдура. Суна хаьара сан
дагна тедоблху некъаш лобхуш дукха кегий нах хилар. Нох-
чийчохь бевзаш болчу Иеламнаха дукха захалонаш кховдий-
нера сан дега. Цъаберш духьало йан ца товш хиллал цейах-
хана а бара Нохчийчохь, амма сан дог къевлина дара, ткъа
цуьнан догIа даста церан ницкъ ца кхачарна со ма йацара
бехке. Бехке дукха хьолахь сан денана йара. Цо дукха жима
йолуш дуьйна дийцинера соьга къонахаллех лаьцна, доьнал-
лех лаьцна. Со жима бер долуш цо туьйранашкара турпалхой
буьйцура соьга, ткъа йоккха хилча дуьненахь Нохчийчонан
це йаккхийтина болу турпалхой буьйцура. Шайх Мансур,
Имам Шемал, Ташу-Хъаьжи, ШоIайп-Молла... церан церш
йехара сан синхаамех хъаьгна долчу, къона даг чохь. Ас ца-
ьрца моIаре хIотто мегар долчу къонахчуьнга туьйссура са.
Сан ойланашна ца хаьара лаьттахула лела, уьш цу къонахийн
сийлалла йехачу стигланан лекхалле кхийдара, церан доьна-
лас дегош хиллачу лаьмнийн ирхенашка кхийдара. Цундела
дара суна хала дахаран накъост харжа. – йуха а ойланашка
йахара Цаца, ткъа цуьнан дийцаро исбаьхьа туьйрано санна

дДалаьцнера массеран а кхетам.

– Цкъа цхъаьна дийнахь тхоеьга хьошалгIа веара Цюьнта-рара ШоIайп-Моллин кIант Мухьаммад-Хъаьжа. – дIадолий-ра къамел Цацас. – Иза сан дененан генара гергара стаг вара. Чохь кхин хийра стаг ца хиларна, денанна улло охъахиьна, церан къамелашка ладугIуш йара со.

– МостагIашна чIир оьцуш, лелаш хиллачу Довта-МартантIера хъан гергарчу стагах хIун хилира? ЧIир эцна ваьллий иза? Маьрша дахаре йуха ца вирзина? – хаьттира сан денанас Мухьаммаде.

ГIайгIане велакъежира тхан хъаша:

– Наггахь Нохчийчохь а хуьлу иза. Масех бутт хьалха Довта-МартантIехь цаьргахь хьошалгIахь волчу хенахь гинера суна иза. Цуьнца цхъаьна бара гIебартойн элий – вежарий Кучук а, Атажuko а. Заманан йохалла цуьнца нийсса и къ-иссам дIахьош, цуьнан тешаме накъостий хилла схьабогIуш бу уьш. Уьш болчохь Iаш-вехаш а ву иза-м церан тайпанан йуьртахь Кучмазуковохь. Дукха оьрсийшна чIир иэцна цо бохуш дуйцу наха, амма кхин а цхъаь лохучух тера ду цара.

– Маржа-йаI хьо, зама! Ишта стеган хила ма йезара шорта тIаьхье. Эхартахь са паргIат дер ду цуьнан доьзалан, шайх чIир иэцний а хууш. Кхин зуда йалор нисделлий цуьнан? – хаьттира сан денанас.

– Дер ца хилла. Иза ду-кх доьхнарг. Цуьнан гергарчара чIогIа сагатдо иза тIаьхье йоцуш виссарна, амма зуда йало лаам болуш вац иза хетарехь.

– Бехк бац цаьрга. И санна долу адамаш шайна хилла ца
Іаш, дерриге а къомана а пайдехь ма ду. Сихонца зуда йало
йеза цара цунна. – холчухІоьттира сан денана.

Цхьа тамашийна тІелаткъам бира сан дагна цу къамела.
Дукха ойла йира ас цу ца вевзачу къонахчун. Денанас туьй-
ранашкахь бийцинчу турпалхойх тарвелира суна иза. Мила
ву и дерриге а нохчийн къоман сел ницкъ болчу мостагІчун-
на чІир кхайкхинарг а, и чІир иэца аьтто баьлларг а?

Масех дийнахь хьийзара сан коьртехь цунах йолу ойла-
наш. Эххар а денене хаьттира ас:

– Баба, мила ву Мухьаммад-Хьаьжис вийцина Довта-Мар-
тантІера и стаг? ХІун хиллера цигахь? Стенна чІир оьцуш
ву иза?

Цу дийнахь хиира суна сайн дахарехь коьрта меттиг дІа-
лоцур йолчу стеган къызачу кхолламах лаьцна.

– Хьо дуьнен чу а йалале, аьхкенан цхьаьна довхачу дий-
нахь оьрсийн эскара Довта-Мартанан гуо лецира. – долиьра
шен къамел сан денанас. – Йаьккхий тоьпаш йетташ, хІал-
лак йира цара йурт. Божарий аьхкенан белхаш беш, цІахь бо-
ций хууш, тешнабехкаца тІелатар динера оьрсийша. Маьхь-
ди а вацара цІахь. ЦІа кхаьчча цунна гира йохийна шен хІу-
сам а, йийна зуда а. Зудчунна букъа тІехьа, набаро товжийча
санна Іохкура делла бераш. Ша чевнаш хилла йоллушшехь,
бераш тоьлана чохь дІалачкъо аьтто баьллера зудчун, амма
уьш хІете а садукъделла деллера, оьрсийша цІенох цІе тассар
бахьана долуш. И сурт шен бІаьргашца гиначу Маьхьдис, цу

мАьргонехъ дуь биьнера шен доьзалах а, хьомечу йуьртах а чИр изца. Шен дерриге а дахар чИрана дАделла цо хЕтахъ дуьйна. ХИинцалц Дала аьтто беш, схъавогIуш а ву иза – элира сан денанас, ша дийцинарг тIечIагIдеш санна.

Сан кийра цIе латийнера цу дийцаро. ХЕтахъ хиира суна халкъан чИрхо бохучу дешан маьIна. Суна цкъа а гина вадара и стаг. Суна хаьара иза сан да хила мегар долуш воккха вуй, амма къонахчун амалах хьаьгна долу сан аьрха са, цу стеган сине гIертара. Сино хоржуш хиллера заманан майда-нахъ мила ву шена уллохъ оьшург.

– Зуда стенна ца йалайо цо? – хаьттира ас дегочу озаца.

– Дош делла ву иза, герзаца йихкина йукъ, шен доьзал хIаллак хиларна бехке волу, тIаьххьара мостагIа вийча бен йостур йац ша аьлла. – ойланашка йахара сан денана. – Зуда а хилла боху цуьнан исбаьхьа хаза. Иза йицлуш а хир йац цунна, амма мел хаза а, жима а зуда хьакъ йу цунна. И санна волчу къонахийн тIаьхье оьшуш хьал ду вайн къомехъ.

Цхьаммо неI тухуш, хадийра сан дененаца хилла къамел. Цул тIахьа Довта-МартантIера доьналла долчу чИинхо-чух лаьцна кхин хIумма а суна ца хезира. Сан дененаца и къамел хилла кхо-диь шо дIаделира. ХЕтахъ суна дуьххьара гира иза со гIумкойн Эндерей олучу йуьртахъ хьошалгIахъ йолчу хенахъ. Сан дененан ден Ташу-Хьаьжин нана тарковски эланашах схьайаьлла гIумко йара. Со бабица кест-кеста цаьргахъ хьошалгIахъ хуьлура. Тхойшиь цаьргахъ хьошалгIахъ йолчу цхьаьна сарахъ хIусамдай цIеххьана дIасхьаида

буьйлабелира, цѣнтѣхь кечамаш беш. Цѣран кьоначу несе хьаттира ас хІун хилла.

– Цхьа беза хьеший бу боху богІуш! Ламазаш дина, йуу-учух кхетта, хье ца луш, дІагІур бу уьш – элира соьга йед-да йоьддушшехь несо. Цѣран хІусам йоккха а, сирла а йа-ра. Кертахь кхин а масех гІишло а йара. Со зударийн агІо-нехь йара, ткьа тхуна дуьххьал долчу ца чохь кечамаш ба-ра беш, хьеший тІеэца. Сан башха боккха бала бацара ци-гахь хуьлучун, амма цѣххьана сан дог тІекІалделира зуда-рийн кьамелаш хезча. Цара дийцарехь кхуза богІуш берш Довта-МартантІера нохчий а, гІебартой а бара. Со сихонца кора йисте хьедира. Корех тессинчу кІади тІехьа а лечкьина, ара хьаьжира со. Дакххий кевнаш дІадиллича, чохьа велира пхи бере. Ламанхой говрашкара каде охьалилхира, ткьа хІу-самдайша дегайовхонца маршалла хоттуш, тІеийцира уьш. Хьешийн тобанна хьалхаваьлла вара леккхачу дегІехь, кьоб-жа маж а йолуш, тайначу аматехь цхьа ламанхо.

– Марша вогІийла хьо, Маьхьди! Ма дика ду хьуна тхан йуьрта богІу некъ бицбелла ца хилла! – маракхийтира цунна хІусамда.

Со кхийтира сайна гуш верг Довта-МартантІера халкьан чІирхо Маьхьди хиларах. Цуьнан кьамел суна дика хезаш да-цара. КІеззиг сайна хезначух со кхийтира уьш ламазаш а ди-на, дІагІур хиларах. Суна гира Маьхьдин йуьхь-сибат. Иза хІумма а дахаро а, дахарехь лайначу балано а гІелдина, кьан-дина дацара. Муьлхха а жимха санна доьналлех воьттина ва-

ра иза, ткъа цо дАйоккху хЮра а гЮлчаца, дАкховдош долчу куыйгаца гуш йара нохчийн къонахчун оьзда амал. ПЮдай-укъ йихкина долу герз а нисдеш, байн ког боккхуш, чохъха велира иза. – соцунгIа йира Цацас, йехха коре а хьобжуш, синтем бойначу шен къоналлера и ирсе сурт бIаьргашна дуь-хьалхЮьттича санна, ойланашка а йахана.

Кутас леррина ладугЮра цуьнга. Цхъа тамашийна синхаа-мо дIалаьцнера обарган берриге а кхетам. Цунна цкъа а хезна дацара муха хилла шен ден а, ненан а довзар. ДIаэхначу замано шен кирхъа диллича санна хетара цунна. Тийналла йохох шезира кхойкхучу молланан мукъаме аз. Кутас Хьамиде корта таIийра, ламаз иэца кечам бе аьлла. Дечиган маьнги тIера сиха охъаиккхира Ремид.

– Ас ламаз дан кхакханаш охъатоссур ду. Мегий? – пурба дийхира цо Хьамиде. Хьамида велакъажарца шел хьалха аравалийтира жимох волу ваша, ткъа ша денанна гЮ дира маьнги тIера охъайосса.


Массара а ламазаш диначул тIаьхъа, Зазас стол кечйира. Йовха сискал шен нене дIакховдош, стоьла хьалха охъахиира Кута. Уьш пхьор дина бевлча, берашца йуучух кхета охъала-хйелира Заза а. ТейогЮчу буьйсанан боданехъ йашна дIайолуш йара маьркIаже. Мехкдаьттанан чиркх а латийна, гIийла КъорIан доьшуш вара Кута, Зазас меллаша неI тоьхначу хенахъ. Ша долийна айат чекхдокхуш, корта хьалаайбира цо.

– Бабин дийцаре кхин дIа а ладогIа лууш дара-кх чIогIа со а, бераш а. Кхин ишта аьтто болий ца хаьа цуьнан шен да-

харера дагалецамаш бовзийта. Хъуна хІун аьлла хета? – дехарца цуьнан бІаьра хъаьжира Заза.

– Нийса боху ахь! – элира Кутас, КъорІан тарха тІе дІахІоттош. Схъакхайкха ахь нана а, бераш а. Со суо а ву, ненан дагалецамашка ладогІа хъаьгна.

Заза хазахетар ца лечкъош, сихонца арайелира. Кутас доза доцуш лорура Заза иза шен ненаца кІеда-мерза хиларна. Боккъалла а йоккха уьйр йара марненан а, несан а. Зазина дахаран масала хетара, син-оьздангалех дуьзна долу шен къеначу марненан васт...



III

Массо а йуха а Кута волчохь охъахиира Цаце ладогIа. Йех-ха корох ара а хьобжуш, шен къамел долийра йоккхачу стага.

– Эндерейхь суна иза гиначул тIаьхьа дIаделира кхин а масех шо. Цул тIаьхьа иза тхо долчу Сесана веара. ХIетахь дуьхьара цхаьнатуьйхира кхолламо тхан дахаран некъаш. Делкъ ламаз диначул тIаьхьа со сайн зудберашца маьждигера хьуьжар йолчу агIор йоьдуш йара. Божарийн некъ ца хадо, пена йисте девлла лаьтгара тхо. ЦIонтарара ШоIайп-Моллин кIантаца Мухьаммад-Хьаьжица цхьаьна ламанхойн тобанна йукьахь лаьтгара иза. Суна сиха вевзира иза, ткъа дилха догкийрара араькха санна тохаделира. Мухьаммад-Хьаьжи иза йуьстах а ваьккхина, цхьаь дуьйцуш вара цуьнга, тхо долчу агIор бIаьрг а бетташ. Даго цхьаь хьобхура суна, амма ас лобхкура коьртера ойланаш. Эххар а суна йицIелира и мIаьрго. Масех де даьлча, шеца цхьаьна ши-кхо воккха стаг а валош, тхо долчу веара Мухьаммад-Хьаьжи. Денанас кхайкхира соьга. Со чохьба йаьлча, суна гира сайн нана а, кхин болу тхан гергара нах а.

– Хьобга ца хаьттича ца йолу со. – Йехха соьга хьаьжира баба. ХIара лараме нах хьо йеха баьхкина бу.

– Баба, суна ца лаьа маре йаха. Хьуьжарера дешар чекх-даккха дезаш зубераш ду сан. – сиха гайтира ас сайн реза ца хилар. Сан ткъе йалх шо дара. Ма-дарра аьлча со хан йаьлла

йара. ХҮетахьлера мехкараша дукха хьалхе дуйтура шайн ден ца, цундела массо а цецволура сан маре йаха ца хуьлучу ламамах, цул совнаха, соьца доьзал кхолла лууш а, соьца безам болуш а дукха тоьлла ламанхой бара.

– Нийса боху Цацас! Сихо йац цуьнгахь. Кхуьнах тешна, Илма Јамош долу зудбераш а дуйтийла ма йац ах новкь-ахь! – реза хилира соьца сан нана. Ма-дарра аьлча со цунах цецйелира. Нана даима сагатдеш хуьлура, со маре ца йоьдуш, ткья хҮинца гуш дара иза духьал хилар.

Со арайолуш, неIсаге кхаьчначу хенахь, дийкира сан денан аз:

– Хьо йеха нах бахкийтинарг мила ву хайий хьуна?

– Мила ву? – хаьттира ас йуха ца йоьрзуш.

– Довта-МартангIера чҮинхо Маьхьди. – дозаллица элира бабас. Со Јадийча санна сецира, ткья йуха массо а цец-воккхуш, йухахьаьжначу ас меллаша сайн денене элира:

– Баба, со реза йу!

Денана соьца арайелира.

– Йелла ма йала хьо! Хьуна гина а ма вац иза! Цкья мукь-не а бIаьрг тоха цуьнга – йоьхнера сан денана.

– Ахь соьга вийцина Маьхьди вуй иза? Валахь суна иза тоьуш ду! Ган оьшуш дац, суна гина ву иза. – сайн дахарера коьрта сацам тIеоьцуш, доцца жоп делира ас бабига.

Тхан кьамел хезна, тхуна тIаьхьа арайелира сан нана.

– ЙоI, хьо лартIахь йуй? Хьан дел воккха ма ву иза. Айхьа лелочух кхеташ йуй хьо? – оьгIазйахара сан нана.

Суна чЮгIа дукха йезара сайн нана, амма тхойшинан амал къабсташ йара. Сан санна тЮмайевлла йацара сан ненан ой-ланаш. Дахаран къайленаш йовза ца гIертара цуьнан са. Шен долчунах тоам а беш, ирсе хила хууш стаг йара иза, ткъа со даима лакхене кхийдара, шатайпалле кхийдара. Нохчийн туьйранийн турпалхойн васташ тIехь денанас кхиййна йолчу суна хала дара сайн нийсархойх кхета, цундела хаьржира сан сино, дахаран къабхьа чам хиьна волу нохчийн къонаха Маьхьди.

– Нана, сан бала бац цуьнан шерашца. Тхан синош ду цхьаьна хеннара, ткъа иза ду коьртаниг. ДегIан хазалла а, къоналла а иза йоцачу хенахь бен хьоьца хир йоцу цЮка йу, ткъа абаде кхочур дерш синош ду. Боккъалла а Дала ирсе ван лиьначу стагана бен нисдийр дац заманан майданахь шен сих тера са. Вайн къоман мостагIий шен цIарца кхерош, къонаха ма ву иза! Дозалла а, ирс а дац цуьнан хIусаме кхачар? – хих дуьзначу бIаьргашца, аз айдеш йистхилира со нене. Хетарехь, и къамел деш йерг со йацара, бакь болчу безамах, йист йоцучу синхаамах шерашца хьаьгначу деган кIоргенашкара декара сан аз.

Нана кхийтира дерригенах а. Эххар а бабига хьаьжна, элира цо:

– Ахь кхиййна иза ишта... сан дан хIума дац.

Бабас тхо массо а ара а даьхна, сан дега кхайкхира. Иза чохьхьа ваьлча, цо элира:

– Ширачу заманехь дуьйна, ден пурбанца бен йоьдуш ца

хилла нохчийн йоI маре, амма хIете а вайн дайша ларбина мехкарийн лаам а. Цаца реза йу Довта-МартантIера чIинхо-чунга Маьхьдига маре йаха, амма хIете а кху доьзалехь тIаь-ххьара дош хьобгахь хир ду.

– Нана, тIаккха хьуна хьайна хIун аьлла хета? – хьаттира сан дас. Иза лерина хьобжура шен нене, Ташу-Хьаьжин йоб-Iан кIоргера хьекьалан а, син-обздангаллин а мах хууш ва-ра иза.

– Со реза йу цу захалонна. Цацина кьаьсстина ишта цIийнда оьшу – заманан зерах чекхваьлла, йукьараллехь дош лелаш, лаккхара доьналла а, син-обздангалла а йолуш волу. Хан йаьлла ву иза, со кхета, амма Делан лаам хилахь цхьаь хилла а бер хир ду церан. Кьонаха стагана йаьхь йолу тIаьхье кхио хуур долуш йу Цаца – жоп делира сан денанас.

– Ас вай цу захалонна реза ду аьлла жоп лур ду цаьрга. Хан билгалйаьккхий, зударшка шайн кечам бе ала! – аравелира сан да. Бабас соьга дукха дийцинера Маьхьдих лаьцна, цундела ларамза дацара даима лакхене кхийдаш долу сан до цу кьонахчун деган ирхенашка кховдаре.

Ахбуьйса йаьллера Цацас шен кьамел дерзош. Исбаьхь-аллин хатIехь, цхьа шатайпа хаза дийца хууш хиллера цун-на, шега ладугIуш болчеран ойланаш шен кьоналлин замане а йуьгуш. Кутас доггах маракьевлира нана.

– Маржа-йаI сан нана! Ма дика хаьа хьуна кху дахаран мах. Хьо санна йолчу кьонаха зудчунга бен лалур ма дацара хьан белшашка доьжна и деза дукь. Сан дас кьоналлехь а,

ткъа ас хІинца къаналлехъ а синтемах йаьккхина хьо, амма хІете а хьуна цкъа а ца хетта хьуо ирс дайна. Тхобца нийсса хьо а ма йу мостагІашца къуьссуш, хьайн собарца, хьайн доІанашца, ахъ вайн кхерчахъ латийначу цІарца. МостагІаша тІаьхье йоцуш витинчу сан ден хьо бахъана долуш хІу ца хаьдда. Ахъ цуьнга кховдийначу безамца иэцна цо шен хІаллак хиллачу доьзалах чІир. Оьрсийшна уггаре а чІогІа лууш дерг ма ду вай доьза дайар, вайн хІу хадор. Сан дас болийна а, ас дІакхоьхьучу а нийсачу къиссамехъ хьо ма йу сан коьрта гІортор, нана! Хьан сатийсамаш кхочуш беш, хьо сайх реза йар йу хьуна сан чолхечу дахаран коьрта Іалашо. Деле со вьохуш, ахъ дечу цІеначу доІанах тешаш, майрра ма волу со муьлхха а кхераме новкъа – элира Кутас. ХІора а дош даггара олура цо. Цуьнан озехъ хаалуш бара нене болу бовха безам а, кІоргера ларам а. Хьомечу кІентан и къамел хилира Цацина дахарехъ мел лайначух хьакъ долу совгІат...





Дорогу
осилит
идуция

Борзак бекхаман новкъахъ

I

Цъха мІаьрго санна дІаиккхира обарган доьзална ши кІира. Довта-МартантІехъ цкъа а ишта дукха хан йаьккхина вара Кута. Ца лаъара цунна шен доьзалан а, гергара нехан а дахарна ша бахъанехъ зулам хилийта.

Буьйсанан боданехъ, чабол болар оьцуьйтуш, дІахехкира Кутас, тешаме накъост хилла шен аьрха – Эла цІе йолу дин. Чов дІайоьрзуш, доьзалан гуонехъ дикка садоІуш, хан йаьккхина волу Кута ницкъах, дахаре болчу безамах, сатийсамах вуьзна вара. Чергизара Хатухшукай цІе йолчу ломара йуьрта воьдуш вара Кута, шен дуй биьна доттагІа, чергизойн обарг Хъапагож волчу. Шоптакхан говраш Прохладнера сехъа йохучу хенахъ иза лазийна аьлла хезнера Кутина. Карабулакийн латтанийн хъаннашкаула ламанийн кІаже боьдура обарга арабаьккхина некъ. Ассински чІожана тІехваьлла, Джейрахе а кхаьчна, ткъа цигара Несаран гІопана ирхнехъа, ХІирийчоь йолчу агІор вахара Кута. Буро-ГІалина а, Бесланна а тІехваьлла дигорски латтанашка кхечира обарг. Кхузахъ цо хьошалла лелош, шортта хІирий накъостий бара Кутин, амма цигахъ ца соцуш, кхин дІа ГІебарта некъ бира обарга.

Эла це йолчу кхуьнан говрана дика девзара хIара некъаш, цундела буйсанан йуккъехь атталица чекхлелхара иза мел дуьткъачу ламанан тачанашкахула. Амма Урух хих гечохула болуш, кхуьнан дин цIеххьана терсира. Хетарехь говрана беззира шен Даймохк. Масех чаккхарма бен генахь ма йацара хIара говр йина а, кхиьна а йолу йурт. Дер дика ма йевзара Кутина Кургакора эцна, эла Шарданов Берда кхунна совгIатна йеллачу говран амал. Кхийтира обарг говран аьрха са Даймехкан хIаваь девзина терсаш хилар.

Кутина цIеххьана дагатессира Гебартара Урух хи йистехь йолу Прямая пядь це йолчу йуьртара Кургако волчу цо шена це тоьхна йитина хIара говр иэца ша веана де. ХIетахь билггал хIара говр иэца цига веана хиллера Гебартойн эла Шарданов Берд а.

– Дер ма ирча тIаьхьалонаш хила тарлора цу дийнан нагахь санна Шарданов Берда шен амал хьалхатоттуш, Кутин биллам тIеэцнехь, говр тарраш тIехь къевссинчун хир йу аьлла, амма Гебартойн эла йаьхь а, кхетам а, лаккхара синьоздангалла а йолуш хиллера. Цо обаргана совгIатна ийцира хIара дин, цул совнаха обарге шен хьошалла а кховдийра. – Ваха веза цхьаьна дийнахь эла волчу хьошалгIа дика совгIат а иэцна – ойла йира Кутас, ткъа шен динан кхесах дайн куьйг а хьокхуш, элира:

– Шек ма вала хьо, сан тешаме доттагIа Эла! Цкъачуна шортта чекхдаккха дезаш гIуллакхаш ду вайшинан, амма Дала мукъ лахь кестта ас гойтур бу хьуна хьан Даймохк, хьо

лерина лелийна волу Кургако а, хъан доттагИий хилла гГебар-
тойн дой а, хьо вина хилла кхал – хъан нана Псыдахэ а. Иза
а хир ма йу хьуна сагатдеш...

Аьрру агIор Нальчик а йуьтуш, Кушмэзыкьуей (*хIинцале-
ра Баксан гIала*) олучу йуьрта хьажийра цо шен говр. Наль-
чик гIалина шийтта-пхийтта чаккхарма гена йоцуш Iуьллу-
чу цу йуьртахь бехара Кутин ден уллера накьостий. Уьш
болчохь буйса а йоккхуш, жимма садаIа сацам бира Кутас.
Обарган ден тешам болу хилла накьостий бара уьш – гГебар-
тойн элий. Кутина хьара дахарехь муьлхха а чолхе киртиг
гIеIоттайелча, царех теша мегар дуй. Буьззина къонахийн а,
Кавказан бакь болчу ламанхойн а масала дара и гГебартой.

Сийна Iуьйре стиглахь йаьржачу хенахь кхечира Кута
Кушмэзыкьуей йуьрта. Говре меллаша ког боккхуьйтуш вое-
дура иза Алхасан кIентан Мисостан цIа долчу агIор. Цеххь-
ана цхьаммо мохь туьйхира:

– Кута! Хьо вац иза?!

Шена тоьпан лаг озо кийча, йухахьаьжира нохчийн обарг.
Цуьнга мохь тоьхнарг хиллера Мисостан маьхча Тембот. Ку-
та сиха говрара вуссуш дегайовхонца маракхийтира ша гина
казахетгачу гГебарточунна.

– Хьо-м дийна хиларал совнаха, могуш а хилла! – велаве-
лира Тембот. – Хьо чогаIа лазийна аьлла хезнера тхуна. Ми-
состаца а, Танаца хьо волчу Довта-МартангIе догIур ду аьл-
ла а дара тхо-м. – Тембота эkkхийтинчу гIовгIанна арабев-
лира луларчу керташкара ламанхой, амма Кутина хьара ве-

жараллин йовха уьйраш йолчу Гебартан йуьртахь шена кхераме хIумма а доций. ХIара Темботаца кьамел деш воллушшехь, ламанхойх цхьаммо Мисосте хаам бина хилла Кута Кушмэзыкьевохь ву аьлла. Ша мох санна сихвелла кхечира Мисост. Обаргана уллохь гулделла адам дIасатоьттуш, мара-воьллира цо Кута.

– Ассаламу Галайкум, сан ваша! Ма воккхаве со хьо могуш-маьрша сайна гуш. Мисоста цехьа вигира обарг, ткьа Темботе а, кхин болчу ламанхошка а элира:

– Кута, гена некъ бина Гелвелла ву, буйсанна наб йина вац. Цундела цкъа садоIур ду цо, тIаккха сарахь со волчу гул-лур ду вай массо а, дууш-молуш, цхьаьна мерза хан йаьккха. Ламанхой реза хилла дIасабахара, суьйрене сатуьйсуш. Гебартахь чIогIа лоруш вара нохчийн обарг, цундела хIоранна а лаьара, цуьнан доьналлех дуьзначу сибатах бIаьрг тоха а, цуьнан кьамелашка ладогIа а.

Олхазаро тIам тоьхча а хезар долуш, тийналла йоьсси-ра Мусостан кертахь. Хьаша-да сий долуш тIеэцаро йоккха меттиг дIалоцу Гебартойн кьоман амалехь, цундела жима а, воккха а Куте наб йайта а, садаIийта а лууш, совнаха гIов-гIанаш йеш вацара. Ткъа Кута-м дукха ца висира мерзачу набаран йийсарехь. Дечиган маьнги тIехь Iуьллур а иза, шен дахаран ойланаш йеш. Кху чохь шен дахаран ткье итт шо хан ма йаьккхинера кхуьнан дас – Довта-МартантIера Гезин кIанта Маьхьдис, цундела кху йуьрта а, кху хIусаме а кхаьчча, ша сийлахь йезачу Макке кхаьчча санна ма хетара Кути-

на. Кху маьнги тЕхь хийлозза набаро товжийна хир ву кхуьнан да.

– ХІун ойланаш хилла те цуьнан? Хиллий те кханенга сатийсам, йа цуьнан берриге а лаамаш мостаГашна йекха йезачу чІираца боьзна хилла теша? – оЙла йора Кутас. ХІоразза а ша кху хІусаме веьча, Кутас даггара баркалла олура гЕбартошна, цара хІара чоь хийцам боцуш йитарна. Обаргана сел хьалхе шен дахарера дІавахана волчу ден амат, ша Іаба ца кхиьна цуьнан йовхо а, марзо а кхузахь йехаш санна хетара. Обарган ойланаш йукьахйохуш, цхьаммо меллаша неІтуьйхира. Иза хиллера Мисост.

– Ассаламу Іалайкум! – самаваьккхина хир ву ас хьо? Цхьа жимма мукьне а садаІар хиллий хьан? – Кутина улло охьалахвелира гЕбарто.

– ВаІалайкум ассалам! – дегІ нисдеш, гІаьттира Кута. – ЧІогІа дика наб йира ас хІумма а новкьа доцуш. Кху хІусамехь дукха наб йан дог ца догІу сан. Йерриге а ойланаш дІалоцу дех боьзна болчу дагалецамаша. Кхета лаьа муха хилла теша цуьнан ойланаш, дахар. Цхьа чІир йоцург, дуьнен чоьх цо сатуьйсуш а, сагатдеш, хІума хилла хир ма дай.

– Кушмэзыкьевохь хьошалла деш ву сан дешича – Атажукон кІант Жанхот. Цунна дукха хІума хаьа хьан дех лаьцна. Кегий нах болчу хенахь, сан деца цхьаьна дукхозза хьан да волчоьх хьошалГахь хилла бу уьш. Вайга воГІур ву иза тахана. – элира Мисоста.

Цара кьамел дечу хенахь делкь ламазана молла кхайкхи-

ра.

– Доккхачу ца чохь хьобга хьобжуш хир ду тхо. Цигахь цхьаьна ламазаш дийр ду вай, кхачанах а кхетар бу. Кестта лор а вогIур ву хьан чевне хьажа – элира Мисоста.

Делкье йеш, Мисост волчохь гулбеллера Кушмэзыкьеув-Геран тайпанера шортта йаьхь йолу Гебартой. Царна йукь-ахь вара кьано Жанхот а, Мисостан шича Тауби а, иштта Аслангери а, Джилйахстан а, Закирей а, Гошанашхо а, Тембот а, Тан а. Кута уггаре а хьалха кьано Жанхотана маракхийтира.

– Де дика дойла хьан, Жанхот! Ма хазахета суна хьо тхайн гуонехь могуш-маьрша гуш. Гебартойшна хилла ца Iаш, йерриге а Кавказана оьшуш стаг ма ву хьо! МостаIаша новкьарло йеш ца хилча, йерриге а Кавказехула дIасалело везаш вара хьо, вайн дайша вовшашца латтийначу ларамах а, церан уьйрашах а хьобга дуьйцутуш! – элира Кутас.

– Диканца дукха вехийла хьо! Ма хаза хета тхуна хьо Гебартахь гича! Хьайн ден весеташ кхочуш дан араваьлла хила тарло хьо. Цуьнан боккха лаам бара Кавказан тоьлла кьонахий вовшахтоха оьрсийшна дуьхьал бечу кьиссамехь. Цуьнан иза кхочуш дан аьтто ца белира, амма ахь цу гIуллакхехь баккхий кхиамаш баьхна. Кавказхой теша хьобх, хьуна тIаь-хьахIитта кийча а бу уьш. Адыгаш даима хир бу хьобца! – Жанхота куьйг кховдош, массо а стоьла хьалха кхайкхира.

– Кута, кхузахь вовшахкхеттарш, хьо теша мегар долуш, хьан вежарий бу хьуна. Хьан ден а ца байнера тхобх тешам,

цундела хъан тешам ца байта а хьовсур ду тхо. – элира обарге Мисоста.

Йуучух кхетгачул тIаьхьа, чай молуш, Iаш болу ламанхой Жанхоте хьобжура, цо цхьаь дийцаре сатуьйсуш. Ишта ду Кавказан сирла ламаст – хуьлийла иза той йа тезет, амма къаночунгара зеделлачух пайда иэца безаш хуьлу ламанхой. Жанхот кхийтира ламанхой шен къамеле ладогIа хьаьгна хиларах. Мисоста элира соьга, хьайн дас Гебартахь лелийнарг а, цо кхузахь дIакхехьна некъаш а довза лууш ву хьо аьлла – вистхилира Жанхот Куте. Йерриге а Гебартана девзара хъан ден йист йоцу доьналла, амма сан иэсехь даима баха биссина цуьнан дахарера цхьа шатайпа хилам – генарчу паналле хьобжуш, велакежара къано. Хетарехь иза дагалецамиин йийсарехь вара.

– Хъан да Маьхьди шатайпа стаг вара. Шу нохчий наггахь сонта а, чIогIа аьрха амал йолуш а, собар доцуш а къам ду. Амма цуьнгахь цхьа шатайпа кIоргера синтем бара. Дийнна де доккхура цо цхьа дош ца олуш, цхьаьнга а вист ца хуьлуш. Ца хаьа, балано ша Iовжорна а хила тарлора иза ишта. Амма цуьнгахь болчу синтема, иза тIех тийна а, паргIат а хиларо ма чIогIа Iежабора цуьнан мостагIий. Къиссамашкахь самайолура цуьнан кийрахь нохчочун кIоршамалла а, аьрхалла а. Сан дас дукха дуьйцура цо гайтинчу доьналлех лаьцна, амма суна тахана дийца лаьа суо теш хилларг. Мисостан деца Алхасаца дукха жима волуш дуьйна хъан деца йовха уьйр хилла ву со. Гебартахь Iаш вара иза хIетахь, Довта-Мартанан

бахархойх чїир иэца делла дош кхочуш деш. Цуьнца цхьаь-на нохчий а хуьлура – дукха хьолахь Маьхьдин шичой Нох-марза а, Ахмарза а, амма коьртачу декъехь Маьхьдица лелаш гЕбартой бара, тхан кучмузуково тайпанера нах.

Цара кЕло йеш хиллачу оьрсийн эскархошна хІинцале ху-уш дара, Маьхьди шайна тІаьхьаваьлла лелар, цундела чоГІа ларбора цара шайн меттамотт дукха хьолахь жІаьлешца. Хи-лозза чевнаш хилла йухавоьрзура Маьхьди, шен накьостийн декъий а дохьуш, амма йухавала дагахь вацара шен йуьртах а, добзалах а чїир иэца хьаьгна волу нохчо. Дукха хьолахь цунна новкьарло йеш хилларш оьрсийн Іамийна жІаьлеш да-ра. Геннара а обаргаш гучубевлча, гІовГІа йоккхий, самабо-хура цара эскархой. ЦкЪа цхьаьна дийнахь тхан кІотарахь хьошалГІахь вара Приэльбрусьера цхьа кьена балкхархо. Цу дийнахь цига кхечира чевнаш хилла нохчочунца Маьхьди а, цуьнан кхин болу ГЕбаргара накьостий а. Йуха а аьтто ца баьлла вас хиллачу ламанхоша дийцира кьаночуьнга оьрсий-ша хІилла долуш шайна йиначу дуьхьалонах.

– Борз оьшу шуна! – меллаша вистхилира дукха ойла ца йеш воккха стаг. Цунах цхьа а башца ца кхийтира, амма балкхархочо йуха а элира – нагахь санна шуьца борз хилахь, иза тосайелла жІаьлеш, кхераделла, дІалечкьар ду. Воккхачу стагана дагадеанарг хьекъале хІума дара, амма мичахь карор йу борз? Йа муьлха борз лелар йу кхара аьлларг деш, кхарна тІахь а йаьлла?

Атажучо, сиха воккхачу стагана улло охьахууш, вистхи-

лира:

– Балкхарера лаьмнашкахь каро мегар дара борзан кIеза. Ма чога оьшура иза тхуна. Муха карор дара теша иза?

Ткъа Маьхьдим-м вистхуьлуш вацара, гулбеллачаьрга лерина ладугIуш.

Балкхархойн къаночо, вехха ойла йина жоп делира:

– КIеза оьшу шуна, амма нохчаша цкъа а доккхур дац ненах берзан кIеза. Нохчийн ламастехь дац борз йийсаре латто.

Цуьнан къамелах реза хуьлуш вистхилира Маьхьди:

– Нийса боху ахь. Хьуна дика девзаш хилла тхан къам. Ша тхо санна цхьаьнга а караIамайелла йац борз, цундела хаьржина и эхха цкъа а цхьаьнга а къарбелла боцучу нохчаша шайн къоман билгало...



II

И кьамел церан бѣаьстенан йуьххьехь хиллера, ткьа масех бутт баьлча, йуха а кхечира тхан кѣотара воккха стаг балкхархо. Кучукан керта волуш, мохь туйхира цо:

– Мичахь ву шун нохчо? Берзан кѣза йеана ас цунна.

Массо а арахьедира. Маьхьди а чохь хиллера. Балкхархо забар йеш йа шаьш Iехош ву моьгтира ламанхошна, амма цуьнан карахь долчу гали чуьра кѣоршаме массеран а бѣаьра хьобжуш, гIигI деш боккьалла а берзан кѣза йара. Цо шех куьйг Iотта а ца вуьтура цьа а.

– Тхан ломахь догIанаш бахьана долуш дистинчу хис йохийна хиллачух тера ду кхеран Iуьрг. Ша цьалха карийнера хIара хи йистехь. Леррина хьуна хIара йалош веана со. ХIара кхио а, кхунах хьайна гIуллакх хуьлий а хьажа. Борз барзах кхетар йу – элира балкхархочо Маьхьдига кѣза дIакховдош. – Дуьнен чохь цьанна а хиьна дац борз караIамо, йа хьобга а Iамалур йац иза, амма цьа хIума ду, хьобх берзан амал шена гича, иза кхетар йу хьо шех лай йан гIерташ воций, цундела хьуна накьост хир йу цунах, ткьа хьо нохчо хиларе терра цкьа а гIертар вац барзах лай йан.

Маьхьдис меллаша карайцира берзан кѣза. Иза лерина хьобжура цуьнан бѣаьра – гIо дехьа суна бехк боцуш Iанийна нохчийн цIих чIир иэца бохуш санна. Дуьнен чохь ша цьалха виссинчу Маьхьдин дерриге а дахаран маьIна хилира

Борзак аьлла цѣ тиллинчу берзан кѣзах. Нанас бер санна лерина лелош йара цо кѣрни. Маьхьдис цкъа а човха ца дора берзан кѣза, хѣунда аьлча цунна хаьара борз иза жѣаьла дац, цо цкъа а дуьтур дац шена динарг. Бешахь кхобуш, лелош дара цо берзан кѣза. Хѣора а буса цуьнан гѣйла угѣоро шатайпа гѣйгѣа йоссайора Маьхьдин кийра. Дѣделира цхьа шо. Де дийне долуш, кѣзанах кьона борз кхиира. Маьхьдина чѣогѣа тѣера йара иза. Иза цѣера ваьлча йуучух ца кхеташ, сингаттамо хьовзайора Борзак. Хан мел йоьду, боккхачу балехь вара Маьхьди. Дукха ойланаш йора цо Борзаках. Дала маьрша кхоьллина долу и экха тахана йийсаре хиларна шен бехк хетара цунна. Эххар а сацам бира цо Борзак дѣахеца. Гуьйранна сатоссуш, Кушмэзыкьуей йуьртара ламанхошца цхьаьна новкъавелира иза Борзак лаьмнашка дѣахеца. Лаьмнийн когашкахь Гуьллучу хьаннийн хотешка кхечира уьш, вордан чохь кьона борз а йалош. Маьхьдис меллаша схьадиллира ога:

– Дѣагѣо, Борзак... хьо маьрша йу хѣинца. Кьинтѣера йалалахь суна.

Борз оган чуьра ара а йаьлла, акха дѣасхьахьоьжура, ша боккьалла а маьрша йаларах ца кхеташ, луьстачу хьаннийн цѣеначу хѣаваах ца ѣебаш, хийлозза замано зийначу Кавказан лаьмнийн муьлха дуьткъа тача ша хоржур те ца хууш.

– Дѣагѣо, Борзак! Маьрша хуьлда хьо лела некъаш! – гѣйгѣане элира Маьхьдис, ша дагна гергара накьостаца къаьсташ волуш санна.

Борз меллаша хьуьнан йисте дIайолайелира, амма масех гIулч а йаьккхина, йуха хьаьжира иза.

– ДагIо, Борзак! ДагIо – йуха а элира Маьхьдис. Борз хьаннийн хотехь кьайлайелира. Вехха цунна тIаьхьа хьобжура Маьхьди. Ма дукха йара цуьнан коьртехь хьере ойланаш. Иза хьобгура кьоначу эхханах, цуьнан маьршачу сих а, дегIах а, ткьа хIара-м бекхаман гураша лаьцна ма вара.

Кьона ламанхой ворда йобжначу говраца цIехьа а бахийтина Маьхьди а, Кучук а кхузара гена воцуш Iаш волу шайн хьаша волчу вахара. Иза волчохь дууш-молуш хан а йаьккхина, шолгIачу Iуьйранна Кушмэзыкьуей цIа вогIуш вара Маьхьди шен накьостаца. Кавказан ламастехь ма-хиллара хIу-самда хьеший новкьабаха вахара. Йуьрта йисте кхаччалц уьш новкьа бехира цо. Вовшийн Iадика йеш лаьтгачу царна цIеххьана хезира адамийн маьхьарий а, жIаьлейн летар а цхьаьна ийна йоккха гIовгIа. Дукха ойла ца йеш цу агIор дIа-хехкира ламанхоша шайн дой. Дукха хан йалале царна гира ведда вогIу жима кIант, хетарехь иза йуьрта вогIуш вара. – ХIун хилла цигахь аьлла шега деллачу хаттарна бен доцуш жоп делира кIанта – борз лаьцна.

Ловв аьлла цIе летира Маьхьдин кийра.

– Борзак! – мохь белира цуьнга! Багош шен динна шед тоьхна, цуьнга чабол болар оьцуьйтуш, дIахаьккира цо иза бохам баьллачу меттиге. Цунна тIаьхьахIиттира накьостий а. Борз лаца шайн аьтто баьлла, баккхийбеш болчу ламанхоша тидам а ца бира, Маьхьдин. ГIора дайна, йерриге а цIийх

йуьзна Гуьллуря Борзак, амма хIете а ша кърйелла ца хилар гойтуш, цергаш хьекхайора цуо.

– Борзак! – мохь туйхира Маьхьдис, адамийн тобанна йукъаэккхаш. Хьоме аз девзина, къона борз тохайелира. Иза лаьттара хьалагIатта гIертара, амма гIора дацара цуьнгахь.

– Совцаде шайн жIаьлеш! – оьгIазе мохь туйхира Маьхьдин накъоста Кучука. Маьхьди меллаша барзана улло охь-алахвелира. Цо сихонца теллира берзан дегI, хиллачу чевнийн йозаллин барам буста гIерташ.

– ХIун хиллера кхузахь? ХIунда йина аш цунна и гIело? Жима ма йу иза.



Хун зен динера цо шуна? – оыҕазе хабттира адамашка Кучука.

– Сийсара йуурта йистехь жӕӕлешна тоссайеллера иза. Ши жӕӕла этӕйнера цо. Тхо цецдевллера борз ишта йууртана улло кхачарна. Иза сиха йедда хьуьнха дӕӕгӕр йу мьӕтура тхуна. Амма тахана ӕуьйранна сатоссусш, жӕӕлейн ле-

таро йерриге а йурт гIаттийнера. Цундела барзана кIело йан арадевллера тхо массо а. Тхуна-м иза шортта ламанца лелла гила борз йу моьттура, ткъа хIара-м цхъа кIеза хилла. – бех-казала вахана жоп делира ламанхошна йукъара цхъаммо.

Кучука куьйг кховдийра цуьнга:

– ХIумма а дац. Шу бехке дац. Шуна хала ца хетахь, тхай-ца дIайуьгур йара оха иза – элира цо.

– Вай дер хетар дац тхуна-м хала – реза хилира гIебарто.

Халла садоIуш йара Борзак. Цуьнан чевнийн йозалле хь-аьжча, иза дийна йуьссур хиларан жимма а догдохийла йа-цара. Бехчалга йукъа а хьарчийна, говрахь Iаш волчу Маьхь-дига дIакховдийра ламанхоша чевнаша гIелйина кьона борз. Жима бер санна шен мара кьевлира дагна хьоме и ларча Маьхьдис.

– Кхоьлиначу бIаьргашца хьоьжура борз Маьхьдига.

– ХIинца кхетар йу хьо соьх, Борзак. ХIинца цхъаьнахь-аьрчи вайшинан дахаран некъаш. Ишта ас а Iевшина хьуна кьизачу дахаран кьаьхьо. Тахана хьо санна хийлозза меца-чу жIаьлейн гуонехь цхъалха виссинера хьуна со дала орца доцуш. Цундела оьшура суна хьобгара гIо, амма хьо соьх ца кхийтира. Хьо дукха кьона йара, хьуна маршо йезара, хьуо ас йийсаре латтош йу моьттура хьуна, цундела сан кийра шийла ша буьллуш угIура хьо, тIаккха ас хьо кхин тоха са ца хилла маьрша йитира, амма кхолламна лиьна хилла вайшиь йуха а заманан майданехь цхъаьна нисдан. Варийлахь, хьан йала йиш йац хьуна, хьайн ма-хуьллу тассалолахь кху мекара да-

харах. Хьо лийр йац суна хаъа, хьо талур йу. Хьо бекхам иэ-ца безаш ма йу, ша со санна, ткъа бекхам бан, чИир эца хуьлу лаам ду хьуна кху дуьнен чохь уггаре а тоьлла молха. Цо кошан бисте вахнарг а йухаверзаво хьуна – барзе адаме санна къамел дора Маьхьдис, ткъа хетарехь иза цунах кхетара...

Маьхьдис лерина лелор бахъана долуш, масех бутт балале тайелира борз, амма цунна хИинца а ца хаъара берзан дагахь дерг – йуха а йист йоцу маршо хоржур йу цо йа Маьхьдин накъост хир йу. Йуха а гулбелира Маьхьдин кертахь ламанхой. Борзак массеран а лерина бIаьра хьоьжура, боккълла а цхъа мехала сацам тIеэца ша кечйелла йолуш санна.

Маьхьдис йуха а схьадиллира ога.

– Борзак, дIагIо хъайна лаахь. Ас маьрша йуьту хьо! – элира цо йуха а.

Борз меллаша оган чуьра ара а йаьлла, лерина Маьхьди-га хьожуш, цуьнан когах муцIар а Iуттуш, охъахиира. Массо а кхийтира – барзо Маьхьди хаьржина. Нохчо шен тешаме доттагIчунна улло охъалахвелира, цуьнан месала корта шен мара а къовлуш:

– Шек ма йала хьо, Борзак! Хийла мостагIчун дог перпош, толлур ду вайшиммо кху лаьмнийн некъаш. Со а ву хьуна хьо санна маьрша! – элира Маьхьдис.

– Маржа нохчий йаI! Ма эрна ца олу шуьх берзалой! – велавелира Атажуко. Берзан а, Маьхьдин а гергарлонан сийна доккха той хIоттийра цу дийнахь гIебартоша.



III

Ши-кхо шо даьлча Борзаках гила борз хилира. Иза боккъалла а тешаме, дика накъост йара Маьхьдин. Хийла моста-гЧунна тЕлатар динера цу шиммо цхьаьна. Оьрсийн эскархошна йевзинера иза. Маьхьдил а хьалха, уггаре а чIогIа лавара царна и борз хIаллак йан. Цара-м тоьллачу обаргах санна берзан коьртах мах а хIоттийнера.

Шен йерриге а къоналла, синтем, дегIан а, синан а паргIато дIайеллера Маьхьдис шен йуьртана тЕлатар дан омра деш хилла болчу эскархошна чIир эца. Царма байинера хьан де йуьртахой а, хан де мосоа добзалла а – зуда а, пхий бер а. Заманан йохалла уьш массо а карийра цунна. ТIаьххьара виссинера цхьа гIалгIазкхи майор. Маьхьди-м и лохуш Царицынь гIала а кхьачна хиллера, амма цуьнан талламашца майора-м генахь ца хиллера. Белхан декхара кхиамца кхочуш дина волчу эскархочунна бакьо йеллера Россин Къилбахь – Кубанера станицехь ваха. ХIинца иза тIеман гIуллакхах мокъа вара, цундела майор маьрша а, синтеме а дахарах марзо оьцуш, шен добзалан гуонехь, паргIат вехаш вара, ша хийла цIий Iенийна долчу Кавказан лаьттахь, амма цхьаьна аьккенан буса оьрсийн эскархочун neIcaгIe хIоьттира бекхам – Маьхьдина карийнера цуьнан лар. Иза йара нохчочо чIир изца арабаьккхинчу некъан тIаьххьара гIулч. Вехха хьаьжира Маьхьди стигланан бIаьра. Кхо йуьхьаьрлаьцна Iалашо къо-

балйеш санна къегина лепара седарчий, ткъа буйсанан тий-
налла йохош наг-нагахъ хезара Іаламан азнаш. Шен тешаме
накъосташца цхъаьна Маьхъди гІовгІа йоцуш керта велира.
Цу сарахъ цуьнца вара шен шича – Нохмарза а.

МостагІчун корехъ богура чиркх. КІедачу меттахъ пар-
гІатваьлла Іуьллуш вара майор, набарна товжа кийча. Цун-
на уллохъ хыйзара тайначу аматехъ зуда, хезаш дара берийн
азнаш. Цхъа а шатайпалла йацара Маьхъдина гиначу суьр-
таца – ишта хуьлу доьзалан ирс. Ткъе итт шеран йохаллехъ
тІулг санна чІагІделла нохчочун дог ца Іевжира, ца делхийра
цо тахана ирсах марзо оьцучу мостагІчо хІаллак дина долу
шен ирс...

Иза меллаша чохъхавелира, топ йулуш, ткъа цуьнан накъ-
осташа цІенон гуо лецира. Герзах воьттина, цІий Іано хъаьгна
экса санна дера нохчо шена йуьхъдуьхъал хІоьттича, дерри-
генах а кхийтира майор – бекхаман мах дІабала хан кхаьчна.
Пенаца нийсса лаьттара майоран Іадийна зуда, шийла кхерам
кегийчу дегнашка буссуш, дІатийра бераш. Йа мостагІа а йа
чІирхо а вовшашка вистхуьлуш вацара. Майор цецваьллера
шен кертара жІаьла а ца леташ, Маьхъди чохъхаваларах. Маь-
хъдис айдира герз, амма цу мІаьргонехъ чохъхавелира, хета-
рехъ майоран уггаре а жимох волу кІант. Стигла санна сий-
на а, цІена а долчу беран бІаьргаш чохъ бацара жимма а кхе-
рам – иза ца кхетара хуьлуш долчунах. Жима кІант велакъа-
жарца хъаьжира кхайкхаза веанчу хъаше, ткъа йуха шен дена
доггах марахъарчира, тховса иза шена тІаьххъара гуш хилар

жимачу даго хъехча санна. Шен ден некха тIе корта а биллина, вехха хъобжура жима кIант Маъхьдин бIаъра. Маъхьди кхетара шен кийрахъ йаьлла цIе мостагIчун беран бIаьргийн сийналло йойуш хиларах...

Xинца а чIагделла ца хилла замано шерашца чахчийна дог. Дуъхьал тессира шен делла Iуьллуш хилла пхи бер. Йеллачу ненан дегI маракъевлина хилла церан кегий куьйгаш, йаьххъаш тIехъ йиссина нуьре серло, хьомечу йуьрта тIехула айделла хилла сийна кIараш, къиза байинчу махкахойн декъий. Xун ойла хилла те кхуьнан доьзалан дахаран тIаьхьарчу мIаьргонехъ? Кхойкхуш хиллий те уьш хьомсара дег, боьхуш хиллий те цара мостагIчунга къинхетам? Кхуьнан дахар а ма дара ишта ирсе а, токхе а, тахана хIара кхайкхаза хъаша хилла чохъаваьллачу кхуьнан мостагIчун санна. Безам а бара, синтем а бара, дахаре шовкъ а йара, кхууьш тIаьхье а йара, чуверза хIусам а йара. Цу ша дерригенах а цхъаьна дийнахъ ваьллера Маъхьди, ткъа цул тIаьхъа дерриге а дахар чIир хилла дIаделира. Кхуьнан дахарехъ хIинца диссина хIумма а дацара, бекхам боцург. ЧIир иэца хIоттийначу Iалашоно дузийнера кхуьнан дахар маьIнехъ, ткъа кху буса бекхаман рузманехъ дIалуьстур йу тIаьххъара агIо. Довта-Мартанна къиза тIелатар дан омра луш, куьйгаллехъ мел хилларг ткъе итта шеран йохаллехъ хIаллак вина Маъхьдис, тIаьххъара виссинарг хIара майор ву. Топан лаг озо кийча вара нохчо, амма цунна гуш вацара мостагIа, цуьнан цIийх Iийдалучу деган уггаре а йаьккхийчу кIоргенашка кхийдаш хьобжу-

ра жимачу беран сийна ши бІаьрг. Цо маракъуьйлура шен да, цуьнан йовхонах ца Іебаш санна. Эххар а, арахь лаятташ, хІара сурт тергал деш болуш шен накъостий а, и майор а, цуьнан зуда а – массо а инзар воккхуш, Маьхьдис охьадахий-тира герз. Цо меллаша тІевахана беран хьаьрса месаш лозош, коьртах куьйг хьаькхира кІантана. Бер хазахетта доьлура, шен корта ден некха тІехь лачкъо а гІерташ...

Маьхьди аравелира, Іадийна доьзал а буьтуш. Корах ара хьаьжначу майорана гира говрашка хиьна масех бере кертара ара волуш, ткьа царна йуккъехь, говрана тІаьхьа йаьлла бекьа санна, когашка а хьерчаш доьдура йуьхьанцара цунна жІаьлех тарделла цхьа эхка.

– Борз хир ма йац иза?! – цецвелира майор, ткьа йуха цІеххьана дагатессира шен кертара жІаьла летта ца хилар...

ХІумма а ца хилча санна лепара стиглахь седарчий, ткьа Маьхьдис цу буса йерзийра ткье итта шарна йахйелла хиллаша мостагІашна кхайкхийна чІир. Цуьнан кийрахь кьинхетам нуьцкъаха хиллера мостагІашка болчу цабезамал а, чІир эца болчу лаамал а, бекхаман ницкъал а. Маржа-йаІ, стенах дина хилла теша цуьнан сел онда а, цуьнца нийсса кІеда а хилла, баланаша мел чахчорах чІагІ ца делла дог.

Масех шо даьлча, цхьаьна кьизачу кьиссамехь оьрсийша герз тоьхна йийра Борзак. Ишта виссира, Кута, хьан да шен тешаме накъост воцуш, ткьа цуьнан дахарера и хилам тахана санна сан бІаьргаш хьалха лаятта. Ма ларамза дац хьо доьналлех вуьзна хилар... – элира кьена гІебарточо Жанхота.

Иза хъалагIаьттира дIаваха ойла йолуш. Цунна тIаьхье хъалагIевттира кхин болу ламанхой а.

– Мел хан йаккха дагахь ву хьо тхо долчошь? – хьаттира Жанхота.

– Тахана дIаваха дагахь ву со. Шу гина суна, шун рицкъанах а кхетта со, ткъа сарахь новкъавала мегар ду – велакъежира Кута.

– Тахана оха дIавохуьйтур вац хьо. Хьобга хьобжуш лор ву. Иза хъан чевне хьожур ву, тIаккха Iуьйранна сатоссуш, Гебартара цхъаьна арадевр ду вай. Соьца Тембот а, Тан а хир ву. Оха новкъавоккхур ву хьо хъан доттагIа Хъапагож волчу – элира Мисоста, ткъа цо аьллагунна реза хуьлуш, корта теIош вара къано Жанхот а.

– Вайн чергизойн вежаршка доккха салам-маршалла дIало. ЦIа воьдучу хенахь, тхуна тIех ца волуш, Кушмэзыкъуей а вола – элира Жанхота, шайн йуьртан гебартойн маттахь бакъ йолу цIе йоккхуш.



Хапагож

I

Губйренан ламазаш диначул тIаьхьа, сиха марта а дина, Чергизара Хатухшукай кIотаре новкъабевлира накъостий. КушмэзыкъуейгIера тайпанера гIебартойн элийн гуонехь дийнахь аравала а кхераме дацара Кутина, нагахь санна йуьртан йистог толлуш лелаш йолу гIалгIазкхийн тоба кхетахь а. ЙуьхьтIе башлакх озна волу иза цхьанна а вевзар вацара, ткъа кхуьнца цхьаьна болу гIебартой махкахь лоруш а, бевзаш а нах бара.

МаьргIажен бодано ламанийн баххьаш хьулдечу хенахь, кхин новкъахьовзам боцуш, чергизойн кIотаре кхечира ламанхой. Кутина дика йевзара кIотар – иза дукхозза хиллера кхузахь. Хьапагожан кевна кхаьчча, говрашкара биссира ламанхой. Кевнаш схьадоьллуш, араваьллачу къона чергизочунна сиха вевзира нохчийн обарг.

– Ассаламу Iалайкум! – дегайовхонца маракъевлира цо Кута, ткъа къона ламанхочунна кхин а чIогIа хазахийтира Мисост чергизойн маттахь шега вистхилча. Хьеший Хьапагож волчу чохьабевлира. Ша волчу накъосташца Кута веьний, хиьна волу Хьапагож хьалагIатта гIерташ воллура, амма Кутас ца магийра цунна.

– Ассаламу Іалайкум! Оха пурба ца делла хьуна меттахвала а! – Кутас доггах маравоьллира шен дуй биьна ваша Хьапагож. Гебартой гина а хазахийтира Хьапагожана. Цунна Мисост дика вевзара. Кутица буйьса йоккхуш цуьнан хІуса-мехь хиллера иза.

– Лараме Хьапагож! Кута ша дІавахийта ца лиира тхуна. Чевнаш хиллачу хьобга хьажа-хІотта воґуш вуйла хиьча-м мелхо а ца лиира иза ша вахийта. ХІорш вайн вежарий бу хьуна – Тан а, Тембот а! – бовзийтира гебарточо шен цІий-нах нах.

– Барам боцуш хазахета суна шу гина. Ма дика ду-кх аш сан ваша ша новкъа ца валийтина – баркалла элира Хьапагожа гебартошна. Кута чергизойн обаргана улло охьалахвелира.

– Мичахь лазийна хьо? – цуьнан чевнан йозаллех кхета гІертара Кута.

– Тхайна тІаьхьабевлларш тило гІерташ, балкхархошца цхьаьна Майски станица йолчу агІор дІадуьйладелира тхо, цигара уьш Лаккхарчу Балкхаре гІур бара, ткъа тхо Исламей-хула Чергиза дехьадевр дара. Майски станицина го баьккхина, оха кхин дІа некъ беш, тхуна тІаьхьайелира гІлагІазкхийн тоба. Со, сайци кхин виь ламанхо а волуш, царна кІело йан сецира, уьш совцо. Уьш тхуна улло кхаьчча, оха тІе герз долийра царна, масех стаг говрара вожош. Уьш боьхна, баьржина боллушшехь, оха сихонца тхайчарна тІаьхьа хехкира говраш. Тхуна тІаьхьа герзаш детта долийра гІалґазкхиша.

Суна аьрру белшах кхийтира даьндарг. Жимма лахахь кхет-техь, дагах чекхийер йара, амма цкъачунна виси со – элира Хьапагожа.

– Вайх хIоранна а Дала билгалйина хан йу, цундела цхьа а тIаьхьа а вуьссур вац, йа хьалха а вер вац! – элира Хьапагожан белшах куьйг тухуш, гIебарточо.

– Кута, шуна стол мичахь кечийча нийса хир дара теша? – хаьттира Хьапагожа.

– Стол хьо волчу чохь кечийча нийса хир ду. Хьуна а луур ма ду, хьайн хьешашца цхьаьна кхачанах кхеташ марзо иэ-ца! – хьехар дира Мисоста.

– ХIумма а дац! Цхьа ши де даьлча, сан хIусамнана ца йогIур йу, тIаккха цо дика лелор ду вай. Шен ден ца йахана йу иза! – элира чергизочо.

– Кута! Хьапагож! Тхо хIинца меца а дац, садаIа аьтто а баьлла, цундела ГIебарта дIадахча нийса хир ду. ХIинца тхан ваша Кута шух тешна а вуьтуш, майрра дIадаха мегар ду тхо шун пурбанца! – элира Мисоста.

– И санна дерг дийца а ца оьшу! И хIун кьамел ду? Ас шавш дIадохуьтур доций ца хууш ду шу? – реза воцуш цкъа цаьрга, йуха Куте хьоьжура Хьапагож.

– Мисост! Хьапагож нийса луйш ву! Суна ца лаьа шуьгара сан доттагIчунна вас хилийта. Шу дуьххьара хьошалгIахь ду цуьнан хIусамехь, цундела буйса ца йоккхуш, новкьадовлар гIиллакхехь хир дац. – элира Кутас, хьалагIаьттина хилла гIебарто, белша тIе куьйг диллина охьахаавеш.

– Дер тхуна дагахь ма дацара хъан доттагІчунна а, хъуна а вас йар. Цундела къинтІера довла тхуна! – элира Мисоста, Хъапагожан хъошалла а, цо кховдийна довха вошалла а хазахетарца тІеоьцуш. – Амма цхъа хаттар кхолладелла тхан. Хъапагож дуй биъна ваша хІунда ву, ткъа тхо уллера доттагІий бен дац? – лерина Куте хъаьжира Мисост. Цу хаттаро самукъадаьккхина буьйлура ламанхой.

– ХІусамден бакъонаш лоруш, Хъапагоже дийцийта деза иза, цул совнаха иза ша ву со шен дуй биъна ваша ву аьлларг, оцу кепара тхан йукъаметтигаш жобпаллин лаккхарчу тІегІане а йохуш! – элира Кутас.

Хъапагож велакъежира. Гуш дара мел беза а, сирла а бу пунна тахана ша Юра баха безаш болу дагалецамаш.

– Иза сан дахарера шатайпа хилам бара. Цуьнан орамехь Кавказан къаьмнийн доттагІаллин гІиллакх ду. И гІиллакх лело а, ларда а деза вай массара а! – элира Хъапагожа, маьнги тІехь хъалахуш.

– Пхийтгара ваьллачу дийнахь дуйна вайн мостагІашца къыссам латтош ву со. ВуьрхІитта шо долчу хенахь, голех чов йинера суна. ХІетахь дуйна виссина со астагІа. Цундела олуш ду соьх халкълахь астагІа Хъапагож – велавелира чергизойн обарг, ткъа йуха лерина хъешашка а хъаьжна, дІадолийра цо шен къамел.

– ХІетахь Кавказехь со дика вевзаш жима стаг вара. Цхъаьна дийнахь, Бесленейхь Іаш болчу сайн ненахойн тойнехь суна йевзира исбаьхъа хаза йоІ. Иза хиллера ногІийн эланан

йоI. Ханна чоIга жима йара иза, амма цуьнан хазалло бен доцуш ца вуьтура цхьа а. Цу тойнехь со вуй хиьча, со шена гайта аьлла дехара дина хиллера цо. Сьога сиха хаам бира Ураковски ногIийн эланан йоI, хазаллица цейаххана йолу Сююмбике йу аьлла со ган лууш. Цу дийнахь девзира тхойшиь. Цул тIаьхьа наг-нагахь цхьацца тойнашкахь гар нислора. Ма-дарра аьлча, тхан дегнаш вовшашка кхийдара. Цунах лавцна хиьначу Сююмбикен дас дIахьединера шен йоI элийшка бен маре йаха мегар дац аьлла, ткьа со-м шуна хууш ма хиллара маьрша чергизо ву. Сан тайпанна йукьахь цкьа а ца хилла йа элий а, йа леш а. Со-м дог диллина Iаш вара, амма Сююмбике ца хиллера йухайер йолуш. НогIийн арахь хьокху мох санна чехка йара йоьIан амал. – велавелира Хьапагож. Цуьнан бIаьргийн лепарехь хIинца а гуш бара хIу-самнене болу безам. – Тхойшиь тIаьххьара гиначу хенахь, Сююмбикес суна эхь дуьллуш, эли-кх – Кавказехь цейаххана обарг вац хьо? Хьайга луш ца хилча, йадийна йаккха йеза-кх! Ас сайн накьосташца йадиьра Сююмбике. ХIетахь доладелира ша дерриге а. ЙоьIан лаамца, иза Хьапагожана йалийна аьлла хаам эцна бахийтина геланчаш, ногIийша лелхийнера, ткьа тхуна мостагIалла кхайкхийнера. Сан ненахой – Бесленеера элий а гIоьртира суна гIо дан, амма церан а гIуллакх ца хилира. НогIийша шайн йоI цIа йалайе бохура, ткьа Сююмбике цIа йаха туьгуш йацара. НогIийшца барт бан аьтто бео боций хиьча, Бесленейра къаночо сацам бира нохчашка гIо деха. Цо кехатаца геланча вахийтира Имам Шема-

лан наиб хилла волу Довта-Мартангера Эза волчу.

Ногийн коурта кьано Эзин доттагла вара, кест-кеста чинхой болчихь хьшалглахь хуьлуш а, цара чогла лоруш стага вара. Амма хала хеташ делахь а, Эзин аьтто ца белира тхо долчу ван, ткьа шен метта цо шен вешин клант, хинцале Кавказехь дика вевхаш волу обарг Кута ваийтира. Цо Бесленей Эзера кехат деара. – дегайовхонца Куте хьяьжира чергизо. – Хיתהхь цо Эзера кехат ногийн Ураковски тайпанера кьаночунна а деара. Суна-м хיתהхь моьттура кху жима стаге муха дерзалур ду Бесленейра элийшка а ца дерзалуш долу дов. Кута-м Кавказехь вевзаш вара, адыгийн йукь-араллахь кьяьсттина чогла ларам болуш а вара, амма хите а уш дахарехь зеделларг долуш, дуьне диьна кьаной бара. Амма со галатваьлла хиллера. Ногийшца барт барал совнаха, Кутин аьтто белира цаьрга тхан кьоначу доьзална латта билгалдайта а. – доккхачу баркалица, дегайовхонца шен дуй биьначу вешин баьра хьобжура хинцалц кьовламе а, буьрса а амалца кьяьсташ хилла чергизойн обарг.

– Ас-м доккха дакьа ца диллинера цу гуллакхехь. Сан девашас Эзис кьастийнера и дов. Заманан йохалла ногийшца доттагалла лелийна вара иза, цундела цуьнца ларам латтош, шайн сий лардира ногийша. – жоп делира Кутас.

Накьостийша шуьнехь дуккха а хан йаьккхира, даэмна зама дагалецамашкахь луйстуш. Шортта дара ламанхой дийца. Кавказехь цхьяьна а кьоман дахар цкьа а ца хилла атта. Ломара охьяхецаделла догу дистина хи санна буьрса а, чех-

ка а бу кавказхойн кхолламаш...

Пхъуйра ламаз а дина, дІасабахара накъостий, хІусамдега а, иштга кхана Іуьйранна новкъабовла безаш болчу гІебартошка а садаІийта...

II

Ахбуьйса йаьлладу хенахь, нохчийн обаргана хезира кертахь йаьлла гIовгIа. Меллаша шен топ караоьцуш, кора йисте вахара иза. Керта веара масех бере, царна йукъахь цхьаь хиллера Хьапагожан зуда Сююмбике. Цу мIаьргонехь Кута волчу ИиндагIа санна меллаша чохьа велира Мисост:

– Кута, и хIун гIовгIа йу арахь йаьлларг? – гIебарточун карахь а йара дIатоха кийча топ.

– Со суо а вац цкъачуна кхеташ. Хьапагожин зуда цIа йеана, амма со кхеташ вац буьйсанна стенна баьхкина уьш, цул совнаха говраш а йу церан гIора дайна. – лерина корох ара а хьоьжуш, жоп делира Кутас.

– Хьапагоже хатта дезара вай – элира кхолладелладу хьолах сагатдеш волчу гIебарточо.

– Собар де. Нагахь санна вай оьшуш хилахь, Хьапагож ца олуш Иийр вац. – Кута ша а вара собар кхачийна, хилларг хаьа лууш, амма ламанхойн гIиллакхехь дац хьеший буьйса йуккъе йаьлладу хенахь доьзалийн гIуллакхашна йукъагIерта.

Дукха хан йалале кьона ламанхочо Хьапагож волчу дIакхайкхира Кута а, Мисост а, ишта церан накьостий – Тан а, Тембот а. Чергизо воьхна вара, амма хьешашка шен дагара ца хаийта гIертара иза.

– Хьапагож, муха ду хьоьгара хьал? Чевно сагатдеш-м вац хьо? – хаьттира хилларг хIун ду хаьа сатесна волчу Кутас.

– Сингаттаме хIумма а дац. ХIусамнана ца кхаьчна. – шегга делла хаттар тергал ца дан гIертара Хьапагож.

– Дика ду тIаккха, сингаттаме хIума ца хилчхьана, амма нагахь санна цхьаь хиллехь, тхобх лечкьо ца оьшу хьуна. – элира Кутас, ткья цо аьллачух реза хилла, кортош теIош бара гIебартой.

Накьосташа кьамел дечу хенахь, чохьайелира Сююмбике. Шен хIусамден накьосташна тIейахара иза:

– Кута, марша вогIийла хьо! Хазахета хьо а, хьан накьостий а тхан хIусамехь гуш. Со цахь ца хиллехь а, шуна дика хьошалла дина хир ду аьлла тешна йу со. – дукха йилхина, цIийделла бIаьргаш лечкьо гIерташ, йуьхь тIе йовлакх уьйзура зудчо.

– Хьо а йогIийла маьрша, сан йиша. Хьапагожа элира тхобга хьо ден ца йаханера аьлла. Муха Iаш бу вайн гергара нах? ХIун ду ногIийн арахь? – хьаттира обарга, зудчун бIаьра а ца хьожуш.

– Дика ду ша дерриге а. Сан да-нана а, тхан гергара нах а Каспийн уллохь бехачу ногIийн тойне бахана. Цахь цхьа а вац. – Сююмбике кьаьхьачу кьурдашца сецо гIертара бIаьрхиш, амма кхин са ца тохаделла, мелачу догIанца охьайилхира зуда.

– Хилларг хIун ду? Тхобгара гIо оьший? – хьаттира Мисоста. Цхьа а вист хуьлуш вацара. Эххар а тийналла йохош, Хьапагожа элира зудчунга:

– Царна иза ишта а хуур ду, цундела дIаала мегар ду хьуна.

Сююмбикен совнаха дош ала а ницкъ ца хуьлура, амма хIете а йелхаран кърдашца долиьра цо шен къамел:

– Да-нана цахь доцуш, хIусаман терго йан йаханера со ден ца, ма-дарра аьлча жимох волчу вешин терго йан. Цуьнан вуьрхIитта шо ду. Кхин бер хир дац аьлла дог диллинчу хенахь, Дала совгIатна велла ву иза сан дена а, нанна а. Цхьаь бен воцу кIант йоI-бIаьрг санна ларвеш ву дас-нанас. Цара-м иза тойне а ца вигна, новкъахь цхьаь хиларна кхоьруш. Сан ден а, ненан а дахаран маьIна ду сан жимох волу ваша. Цунна цхьаь хилахь, цаьрга лалур дац иза. – йуха а йелхайолайелира Сююмбике, тIаккха йистинчу йуьхьтIехула бIаьрхиш дIасахоькхуш, кхин дIа дийцира зудчо шайна тIехIоьттинчу киртигах лаьцна:

– Армавирехь аьчка некъ буьллучохь болх беш бу цхьа болу ногIий. Йуьхьанцара лур ду аьлла долу алапа луш дацахь а, амма кхин болчу белхашкахьчул совнаха хуьлу цера алапа. ТIаьхьарчу кхаа баттахь алапа делла а дац царна. Шаш къахьегна даьккхина рицкъа деха вахана хилла цига масех стаг. Царна йиттина, ткъа цхьаь дIалаьцна. Цунах лаьцна сийсара хиьнера сан вешина. НогIийн тобанца цхьаьна, тхан махкахо маьрша ваккха Армавире вахана иза. Уьш цига кхочур буй хууш, цаьрга хьоьжуш хиллера бухахь берш. Гуо лаьцна, кьиза йиттина царна. Сан вашас герз тоьхна. Цунна а кхетта герз. Цунна чевнаш йина хила тарло, йа изам дуьнен чохь вуй а ца хаьа! – шийлачу маьхьарца дехьа чу дIайедира Хьапагожан зуда. Тийналло дIалецира чоь. Кхуза-

хь чергизочун зуда схъайалош веана ураковски масех ногИ а вара.

– Шуна йукъахь цхъа а вуй Армавирехь царна кIело йинарг мила ву хууш? – хаьттира ногИйшка Кутас. Царех цхьаммо жоп делира, Кута а, Мисост а волчу агIор дIавоьрзуш:

– Со вара цаьрца Армавирехь. Тхаьш болх беш хилла эрмало волчу доьлхуш дара тхо, амма тхо йуьрта чохъядовллушшехь, тхуна гуо а лоцуш, шед йетта йолийра. Цара дойура дара тхо, нагахь санна Сююмбикен вашас Мухарбис герз ца тоьхнехь. Герзан тата хезча, дIасабевдира уьш. Тхайн гIуллакх хир доций кхетгачу оха, говраш йухайерзийра, амма цара тхуна тIаьхъа герз детта долийра. Чов хилла Мухарби говрара охъавуьйжира. Цо омра дира тхоьга орца даккха аьлла. Тхуна йукъара цхъа накъост цуьнца висира, ткъа тхо Мухарбис делла омра кхочуш деш, гIо деха арадевлла. – бехказала вахана, дийцира шайна хиллачу бохамах лаьцна къона ногИйчо.

– Нийса арадевлла. Шу массо а дойур дара цара, тIаккха хиллачунна тIаьхъа а кхууьр вацара цхъа а – элира Хьапагожа.

– Муха йу хьан цIе? – хаьттира Кутас, шен керла ногИйн накъостий бовза лууш.

– Сан цIе Калибек йу, ткъа хIара Хьасан ву – вовзийтира шаьшиь къона ногИйчо.

– Кхолладеллачу хьолах вай кхеташ ду. Бохам мичахь хилла а вайна хууш ду. НогИйшна дика бевза цига боьду некъ.

Эрмалой болчохь латтош а хир ву цара шаьш йийсаре лаяцна кІант. – ойланашка вахара Кута.

– ТІаккха? Аралелхий вай? – хетарехь Тембот сатесна вара кхераме некъ йуьхьарлаца.

– Шу Гебарта дагІо. Кхузахь, Хьапагож волчохь шортта адам ду. НогІийшна йукъахь а бу дика къонахий. Адам оьшуш хьал дац вайгахь – элира Кутас Мисосте, ткъа Гебарто-м шен буйнахь топ а къубйлуш, велакъежира:

– Кута, цу къамелашна хан ма йайа. И гІуллакх къасто вай цхьаьна доьлху, ткъа вайца кхин а мила вига веза хьуна а, Хьапагожна а дикох хуур ду. Оха цкъа а буьтур бац ногІийн вежарий де доьхначу дийнахь тесна! – элира Мисоста.

Цо аьлларг гІечІагІдеш, кІоршаме вистхилира Тан а:

– Тхо а доцуш, цхьа а цхьанхьа а вьодуш вац!

– Шу цу йукъаайзо ца лаьара суна. Со суо шуна ма-гарра гІатталуш вац, цундела чергизой гулбе аьлла нах дахьовсийна ас. – бехказала вьодуш, элира Хьапагожа.

– Чергизой а оьшур бу. Хан йалийта мегар дац вай. – нохчийн обарг ойланашка вахана хььожура Гебартара шен доттагІашка. Хьапагожана хаьара ша мел дехча а, ламанхой йухабевр боций. Ма-дарра аьлча, ишта царна орцанна хІара а гІоттур ма вара, цундела обарга дуьхьало ца йира лаьмнийн сирлачу гІиллакхна.

– Кута, Армавирехь Іаш Хачатур ву хьуна. Иза вайн къомах схьаваьлла, чергизойн эрмало ву. Хьуна дагавогІу хир ву иза. Цунах теша мегар ду хьуна. – элира Хьапагожа, ткъа

Гебартой-м царан къамелана йукъа ца лелхара, хІунда аьлча царна цхъа а вацара Армавирехъ вевзаш.

– Таъххъара маца хиллера хьо Армавирехъ? – хаьттира Хъапагоже Кутас. Хетарехъ хІинцале цхъаь дагатессинера нохчийн обаргана.

– Ахшо хьалха хиллера. Стенна хобьтура ахъ? Хьо цигахъ хилла а ма ца даьлла цхъа шо а. Бакура цхъа анархист лобхуш дара-кх вай цигахъ. – жоп делира Хъапагожа.

– Армавир йоккха йурт йу. Тебаьхкина нах дукха хуьлу цигахъ. Цигара туьканашка обху даима луларчу станицашкара гІалгІазкхий. Иштта луларчу кІотарашкара шортта чергизой а, ногІий а хуьлу. Вайн хьолехъ иза чІогІа дика ду, хІунда аьлча вайна те тидам боьрзур бац нехан. Мухарби дІалаьцначарна хууш хир ду, эла шен кІантана орцах ца волуш Іийр воций, цундела уьш вайга буса хьобжуш хир бу. Цу тІехъ сан шеко йац. Буса ха деш хир бу уьш, ткъа дийнахъ садоуш.

– Делахъ, ма нийса лоб хьо. Дагахъ доцучу агІор, дийна делкъехъ хьошалла дан деза вай царна! – Кутас аьллагхуш реза хилира Мисост.

– Кхаа тобанна декъадала деза шу! Сан чергизойн коьртехъ сан вешин кІант Темрук хир ву. Цунна дика девза Армавире доьлху некъаш. НогІийша а йоккха тоба вовшахтоьхна хир йу. Цара а аш аьлларг дийр ду. – Хъапагож гІайгІане вара. Јемина вацара иза ша вижина а Іуьллуш, кхераме гІуллакх иэцна нах дІаэхийта.

– Дика ду тІаккха. Темрукан чергизошца а, таъххъара ци-

гахъ хиллачу шина ногИйца а, Гебартара вайн вежаршца а кьилбера Армавирана тIегIур ду тхо Синюхина Сухая Балка йистехула. НогИй Армавире малхабалехъара чу баха беза, Уруп хи йистехула. Кубань хин аьтту агIор Орловски тIай тIехула а бевлла, Армавирехъ тхоьга хьоьжуш хир бу уьш. Нагахъ санна оьшуш меттиг нислахъ, гIо дан кийча хир бу уьш. Делкъ хенахъ, туканаш йолчу могларашка хIора а тобанера цхьацца векал воглур ву шаьш схьакхаьчна хиларах хаам беш. Собар дан хан йац вайн, цундела хIинцале новкъадовла деза, цхьа де даьлча, шолгIачу дийнан делкъенехъ мукъне а меттиге дIакхача, гIалгIазкхийн гIепашна гуо тоссуш. Вай арабоккхуш берг хIумма а боца некъ бац шуна – цхьа бIе ахбIе чаккхарма хIете а некъ бан беза вай, кхин сов а хила тарло, гуо баьккхина даха дезаш нислахъ а. – Кутас хIинцале хIоранан а Iалашо билгалйира, ткъа ша Хьапагожна улло охьалахвелира, ша аьлларг цо къобалдаре сатуьйсуш – Кута, хьуна и меттигаш дика йевзаш хир йу. Шо а ма ца даьлла, вайшиь цигхь лелла. – реза хуьлуш, жоп делира чергизойн обарга.

– Цхьа дерг дицделла хила а тарло, амма уггаре а хьалха со вайн доттагIа Оганес волчу гIур ву. Цо довзуьитур ду тхуна Армавирера ма-дарра хьал.

– Иза мила вара? – ойланашка вахара Хьапагож.

– Алавердян ву-кх – чергизойн эрмало. Дага ца воглур хьуна? Сурб Геворка килсана гена доцуш Iаш вара-кх иза.

– Дер дагавогIу! Муха ца воглур?! Вайшиь хила ма хиллера

иза волчошь. – самукъаделира Хьапагожан.

Кута хьалагІаьттира. Хьапагож кхетара уьш сиха хиларах.

– Сан нах кху сохьтехь кийча хир бу. Темрука уьш сих-бийр бу, ткъа ногІий ахь ма-аллара, Кута, шиь шуьца гІур ву, ткъа важа шиь шайн йуьрта дІагІур ву. Ураковский элий цаьрга хьобжуш хир бу. – Чергизочо сагатдора шен накьосташна. ХІара цхьаьна а воцуш, дуьххьара боьлхуш бара уьш и тайпа кхераме гІуллакх къасто.

Чохьхайелира Сююмбике. Иза йоьлхуш а йацара. Хетарехь зудчо дикане дог ца дуьллуш, сатединера шен. Цунна коьрте а догІур дацара шен жимох волчу вешина орцанна Кавказан тоьлла къонахий гІовттур буй.

– КъинтІера довла суна! Шун синтем бохийна ас, лартІахь наб йан а ца дитина шу. Ас хІинцале сайн да волчу Дагестане геланча вахийтина. Кхана Іуьйранна ца кхочур хир ву иза. Іуьйренан ламазан хан хиллалц, садаІа шайна, тІаккха ас кхача кечбийр бу шуна. – бехказала йаьлла, арайала тохайелира Сююмбике.

– Собар де! – Хьапагожа сацийра шен зуда. – Кутас ламанхой Армавире буьгур бу хьан ваша маьрша ваккха. Царна новкъахь кхалла сиха цхьаь вовшахтаха. Ламазаш а дина новкъабевр болуш бу уьш.

– Ламазаш а новкъахь дийр ду оха. Іуьйре хиллалц собар дан йиш йац! – элира Кутас. Иза а кхин болу ламанхой а кечам бан арабевлира.

Дукха хан йалале Кута шен тобанца кийча вара Арма-

вирехъ йийсарехъ волу Сююмбикена ваша маърша ваккха новкъавала. ХИинцале схъакхъачнера Темрук коъртехъ волу пхийтта чергизочух лаятта тоба а. Тийналла йоьхуш, куьйг айдира Кутас:

– Армавир кхаа агIор кIоргечу саьнгара гуо лаьцна йу. Цунна чохъ боккха гу бу, цу гу тIехъ латтанах боьттина пен бу. ЙоьалгIачу агIора и йурт Кубань хин аьрру йиста ларйеш йу. Йуьрта чуваоьдуш кхаа агIонера кевнаш ду, уллохъ ха а долуш. Вай массо а кхета деза вай стенга доьлхуш ду а, вайна цигахъ мел боккха кхерам бу а. Цундела вай хIинца массо а дагадовла деза. ХIораммо ца лечкъош, шен ойланаш йовзийта йеза – элира Кутас, ткъа гена некъ бан сихйелла йолу обарган говр цхъаьна меттехъ соцуш йацара.

Конец ознакомительного фрагмента.

Текст предоставлен ООО «Литрес».

Прочитайте эту книгу целиком, [купив полную легальную версию](#) на Литрес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.